

四庫全書

子部

欽定四庫全書

御定淵鑑類函卷四百十六

木部五

桂

冬青 楓

無患 木蘭

柞 枹 櫟 榲

櫟 榲 柞

附 柞

荆 女貞

棘

榕 烏臼

朱樹 夫移

君子 楠

靈壽 榲

棟 欂

檀 白銀

樺木 杞

木

模 楷 木棉

檜 娑羅

勝火 樹

綸 木

文 木

貝多

放杖木

木

相思子 千歲

疎麻

臘脂木

鐵力木

抱木

淨土樹

播移

木

韓木 黃葛木

弓樹

天符葉

紫鯀樹

小兒樹

丹青樹

大食木

木

奄羅樹 射干

鐵樹

鎖鎖

膏夏

時好

射干

時好

射干

# 桂一

原爾雅曰檍木桂

郭注曰南人呼桂厚皮者為木桂桂樹葉似枇杷面大白華華而不著子

叢生巖嶺枝葉冬夏常青間無雜木

說文曰桂江南木百藥之長 廣

志曰桂出合浦而生必於高山之巔冬夏常青其類自

為林間無雜樹 增嵇含南方草木狀曰桂有三種皮

赤者為丹桂葉如柿者為菌桂葉似枇杷者為牡桂

本草李時珍曰桂有數種以今叅訪牡桂葉長如枇杷

葉堅硬有毛及鋸齒花白色皮多脂菌桂葉如柿葉而

尖狹光淨有三縱文而無鋸齒其花有黃有白皮薄而

卷又有巖桂類菌桂而稍異葉不似柿有鋸齒如枇杷

葉而麤澀者有無鋸齒如庖子葉而光潔者叢生巖嶺

俗呼為木犀其花有白者名銀桂黃者名金桂紅者名

丹桂有秋花者春花者四季花者逐月花者皮不堪入

藥惟花可收茗浸酒之類耳 禮內則曰編萑布牛肉

馬屑桂與薑以灑諸上而鹽之 原春秋運斗樞曰椒

桂合剛陽

椒桂陽星之精所生也合猶連體而生也

春秋潛潭巴曰宮桂

鳴下土諸侯號有聲

桂好木植於宮中猶天子封有聲譽者為諸侯今乃鳴是乃成聲名

于下土之祥也

禮斗威儀曰君乘金而王其政訟平芳桂常

生 山海經曰招搖之山其上多桂臯塗之山上多桂

木桂木八樹在賁隅東

八桂成林言其大也賁隅番禺也

羅浮山記

曰山頂有桂山海經所謂賁隅之桂 臨海記曰石山

望之如雪山有湖傳云金鵝之所集八桂之所植 莊

子曰桂可食故伐之 尸子曰春華秋英曰桂 闕子

曰魯人有好釣者以桂為餌黃金為鉤 增抱樸子曰

桂可以葱涕合蒸作水可以竹麝合餌之七年能步行  
水上長大不死 南部新書曰杭州靈隱山多桂寺僧  
曰月中種也至今中夜往往子墜 異物志曰桂之灌  
生必粹其族柯葉不渝冬夏常綠匪桂植在乎嵩岳  
原楚辭曰桂櫂兮蘭枻 又曰桂棟兮蘭橈 又曰結  
桂枝兮延佇 又曰沛吾乘兮桂舟 又曰桂樹列兮  
紛敷吐紫華兮布條實孔鸞兮所居今其集兮惟鴉  
又曰辛夷車兮結桂棋 又曰飲茵若之朝露兮搆桂

木以為室 又曰桂蠹不知所淹留兮蓼蟲不知徙乎

葵菜 又曰葛藟累于桂樹兮 又曰矯菌桂以紉蕙

漢武帝悼李夫人賦曰氣潛以悽戾兮桂枝落而銷

亡 吳都賦曰丹桂灌叢 陶潛詠曰桂椒信芳而非

園林之實 文選曰秋風生桂枝 又曰蒼蒼山中桂

團團霜露色 又曰桂枝生自直 又曰青霞雜桂旗

又曰桂棟留夏飈 增唐杜甫詩曰攀桂仰天高

韓愈集曰桂樹團團兮白石齒齒 李賀詩曰畫闌桂

樹懸古香 李商隱詩曰補羸貪紫桂

桂二

原呂氏春秋曰伊尹說湯曰物之美者招搖之桂 韓  
詩外傳曰宋玉因其友見楚襄王襄王待之無以異讓  
其友其友曰夫薑桂因地而生不因地而辛女因媒而  
嫁不因媒而親 神仙傳曰離婁公服竹汁餌桂得仙  
許由父箕山得丹石桂英今在中岳 列仙傳曰范蠡  
好食桂飲水賣藥人間世世見之 又曰桂父象林人

常服桂皮葉龜腦和之 拾遺記曰岱輿一名浮折北

有玉梁千丈駕玄流之上峰旁有丹桂白桂皆可為舟  
始皇起雲明臺窮四方木南得烟丘碧樹閭河之桂北  
有紫桂成林羣仙餌焉 史記云尉佗獻桂蠹一器

漢武故事曰甘泉宮南有昆明池中有靈波殿皆以桂  
為柱風來自香 洞冥記曰鄴過國獻能言之龜青玉  
匣東方朔曰惟桂露以飲之置之於通風之器 淮南  
子曰王安好道感八公共登山少攀桂樹安作詩曰攀

桂樹兮聊淹留 增拾遺記曰宣帝元鳳二年於淋池

之南起桂臺以遠望氣東引太液之水有一連理桂樹  
上枝跨於渠水下枝隔岸而南生與上枝同一株 原  
世說曰客問陳季方曰足下家君太丘有何功德而荷  
天下重名荅曰吾家君譬如桂樹生泰山之阿上有萬  
仞之高下有不測之泉上為甘露所霑下為甘泉所潤  
當斯之時桂樹焉知泰山之高川泉之深不知有功德  
也 廬山記曰山有三石梁廣不盈尺俯眄杳然無底

吳猛將弟子過此梁見老翁坐桂樹下以玉杯承甘露  
與猛 增本草曰齊武帝時湘州送桂樹以植芳休苑  
中 唐書曰垂拱四年三月有月桂子降於台州經十  
餘日乃止 一品集曰平泉莊有剡溪之紅桂種山之  
月桂曲阿之山桂永嘉之紫桂剡中之真紅桂東陽之  
牡桂 談苑曰南唐後主嘗召徐鉉至清暑閣閣前地  
經雨草生磚縫中鉉去復生鉉曰呂氏春秋云桂枝之  
下無雜木味辛故也後主令取桂屑數斗勻布縫中經

宿草盡死

桂三

原一枝

八樹

晉書郗詵為雍州刺史武帝於東堂會送問詵曰卿自以為何如對曰臣舉賢

良對策為天下第一猶桂林一枝

小山

中岳

劉安招隱

崑山片玉下見桂一山海經  
士曰桂樹叢生兮小山之幽偃蹇連蜷兮枝相樛下見桂二神仙傳

冬榮

夏綠

楚辭

嘉南方之炎德美桂樹之冬榮下見桂一異物志

香宜汎酒

味可蠲疴

增三脊

五枝

陸佃埤雅凡木葉皆一脊惟桂葉三脊事詞類奇燕山竇諫議五子馮道贈

詩曰丹桂五枝芳

綠膏照夜

青枝拂塵

拾遺記王母與燕昭王遊於燧林之

下說炎帝鑽火之術取綠桂之膏然以照夜忽有飛蛾  
銜火狀如丹雀來拂于桂膏之上洞冥記武帝使董  
謁乘琅霞之輦以昇壇至三更西王母至壇四  
面列種軟條青桂風至桂枝自拂階上遊塵

珠雀

集

綵鵬來

青腰玉女三千人守之其實赤如橘人食

之一年仙宮迎之常有九色飛鳳寶光

金粟

玉花

魏了翁巖桂詩虎頭點點開金粟犀首累累佩印章  
王路花史無瑕嘗著素裳折桂明年開花潔白如玉女  
伴折取替髻  
號無瑕玉花

桂四

增閻河如棗

韓終采藥詩曰閻河之桂實  
大如棗得而食之後天而老

流桂泉

唐書

曰南中有流泉出山洞常帶桂葉好事者因謂為流桂泉

交趾置園

廣志曰交趾置桂園

林嶺盡香

地理記曰桂陽郡有桂嶺放花徧白林嶺盡香

紫陽花

南部新書招賢寺僧

植桂香紫可愛郡守

香桂成林

水經曰林邑城隍塹外林棘荒蔓榛梗

白公號為紫陽花

冥鬱藤繁等秀參錯際天其中香桂成林氣

仙友

確

清澄烟桂父縣人也棲居此林服桂得道

類書宗曾端伯以十花

仙客

潛確類書張敏叔又以十二花為十二客各賦

為十友謂桂為仙友

以詩謂

桂仙客

桂五

原詩梁范雲詠桂詩曰南中有八樹繁華無四時不識

風霜苦安知零落期 庾肩吾詠桂詩曰新叢入望苑

舊幹別層城倩視今移處何如月裏生 周王褒詩詠

定林寺桂樹曰歲餘彫晚葉年至長新圍月輪三五映

烏生八九飛 增唐李嶠詠桂曰未植銀宮裏寧移玉

殿幽枝生無限月花滿自然秋俠客條為馬仙人葉作

舟願君期道術攀折可淹留 張喬試月中桂詩曰與

月轉洪濛扶疎萬古同根非生下土葉不墮秋風每以

圓時足還隨缺處空影高羣木外香滿一輪中未種丹

霄日應虛玉兔宮何當因羽化細得問仙功 劉禹錫

酬令狐楚別齋初栽桂樹見懷之作曰清淮南岸家山  
樹黑水東邊第一栽影近畫梁迎曉日香隨綠酒入金  
杯根留本土依江潤葉起寒稜映月開早晚陰成比梧  
竹九霄還放綵鵬來 于武陵詠山中桂曰日暖上山  
路鳥啼知己春忽逢幽隱樹如見獨醒人石冷開常晚  
風多落已頻樵夫應不識歲久伐為薪 皎然賦得青  
桂歌送徐長史曰昔年攀桂為留人今朝攀桂送歸客

秋風桃李搖落盡為君青青伴松柏謝公南樓送客還  
高歌桂樹凌寒山應憐獨秀空林上空賞敷華積雪間  
昨夜一枝生在月嬋娟可望不可折若為天上堪贈行  
徒使亭亭照離別 李德裕月桂詩曰何年霜夜月桂  
子落寒山翠幹生巖下金英在世間幽崖空自老清漢  
未知還惟有涼秋夜嫦娥來整攀 宋劉彥沖巖桂詩  
曰涼颼振遠村寂寞度清芬山路不知處月窓時夜聞  
孤根寒抱石落子半飄雲袖手空延佇無才可賦君

陸游以楚詞所謂桂數見於唐人詩句及圖畫間今不  
復見矣屬山僧野人求之作絕句曰丹葩綠葉鬱團團  
消得嫦娥種廣寒行盡天涯年八十至今未遇一枝看  
元黃庚詠木樨花曰曾住仙山九折巖夜涼蘿荔挂  
衣衫月窺尊裏如相伴人立花邊自不凡叢綠聯環垂  
玉佩殘黃銷骨現金函枝空蟾窟今誰記猶道東陵繫  
舊銜又曰蒼蒼珠樹俯寒流析木津頭戲拍浮褐鳳  
搏風朝紫極硯蟾滴露瀉清秋返魂香羨羅裳貯礙月

枝憑玉斧脩夜景未闌清入骨瀟瀟鱗甲臥癡虬 明  
高帝紅木樨詩曰月宮移向日宮栽引得輕紅入面來  
好向烟霞承雨露丹心一點為君開 又曰秋日幽巖  
桂影圓香心栗栗照林丹應隨王母瑤池宴染得朝霞  
下廣寒

原贊晉郭璞桂贊曰桂生南裔拔萃岑嶺廣莫熙葩凌  
霜津穎氣王百藥森然雲挺

楓一

原爾雅曰楓楸楸

郭注楓樹似白楊葉圓而岐有脂而香今之楓香是

增說文

曰楓木厚葉弱枝善搖漢宮殿中多植之至霜後葉丹

可愛故稱楓宸

原南方草木狀曰楓香樹子如鴨卵

二月花色白乃連著實九月熟曝乾可燒惟九真郡有

之其脂為白膠香

增本草李時珍曰楓木枝幹修聳

大者連數圍其木甚堅有赤有白白者細膩其實成毬

有柔刺

述異記曰南中有楓子鬼木之老者為人形

亦呼為靈楓蓋瘤癭也至今越巫有得之者以雕刻鬼

神可致靈異 金樓子曰楓脂千歲為琥珀 孫炎正

義曰楓子鬼乃攝木上寄生枝高三四尺天旱以泥泥

之即雨 僉載曰江東江西山中多有楓木人生楓樹

下似人形長三四尺夜雷雨即長與樹齊見人即縮依

舊曾有人合笠於明日看笠子挂在樹頭上旱時欲雨

以竹束其頭楔之即雨人取以為式盤極神驗楓天棗

地是也 兵法曰楓天棗地置之槽則馬駭置之轍則

車覆 譚子化書曰老楓化為羽人 花木考曰楓樹

菌食之令人笑不止飲土漿乃差 彙苑詳註曰廣西

南陵府橫州其地楓始生葉有蟲食之蟲形似蠶而赤

黑四月間熟州人擘取其絲光明如琴絃海濱蜚人鬻

之作釣緝甚適于用 原離騷招魂曰湛湛江水兮上

有楓 古詩曰長楓千餘丈肅肅臨澗水 增謝靈運

詩曰晚霜楓葉丹 杜甫詩曰玉露凋傷楓樹林 元

結詩曰千里楓林烟樹深 杜荀鶴詩曰停車坐愛楓

林晚霜葉紅於二月花 郭功父詩曰楓葉翻蜀錦

楓二

原山海經曰黃帝殺蚩尤於黎山之丘擲其械於大荒之中宗山之上其械化為楓木之林 晉宮殿名曰華林園楓香三株 異苑曰烏傷陳氏有女未醮著屐遙上大楓樹顛了無危閼顧曰我應為神今便長去惟左蒼右黃當暫歸耳家人悉出見之舉手辭訣於是飄聳輕越極睇乃沒既不了蒼黃之意每春輒以蒼狗秋黃犬設祀於樹下 增後周書曰武帝天和元年七月梁

州上言鳳凰集於楓樹羣鳥列侍以萬數

原詩梁簡文帝賦得詠疏楓詩曰  
萎綠映葭青疎紅分浪  
白花葉灑行舟仍持送遠客

### 無患

原纂文曰無患木名也實可以去垢核黑如堅櫨  
崔豹古今注曰拾櫨木云無患者昔有神巫曰瑤旼能作  
符劾百鬼則以此木為棒殺之世人相傳以此木為衆  
鬼所惡競取為器用以厭鬼故號無患  
增博物志云

葉似柳核堅正黑可作香纓用辟惡氣浣垢亦良本  
草云無患子一名噤婁一名桓桓患字聲訛也又李  
時珍曰生高山中樹甚高大枝葉皆如椿特其葉對生  
五六月開白花結實如彈丸狀如銀杏及苦楝子釋家  
取為數珠故謂之菩提子山海經曰袂周之山其木  
多桓 酉陽雜俎云無患木燒之極香  
原贊齊卞敬宗無患枕贊曰爰茲素朴名為吉始匠人  
斯製以獻君子

# 柞

原爾雅曰栩杼

註柞樹也

增本草曰柞木生南方細葉今

之作梳者是也

又李時珍曰此木高者丈餘葉小而

有細齒光滑而韌木及葉了皆有鍼刺經冬不凋五月

開碎白花不實心理皆白色俗名鑿子木 原詩曰陟

彼高岡析其柞薪

又曰維柞之枝其葉蓬蓬 又曰

瑟彼柞械民所燎矣

又曰柞械斯拔

增石鼓文曰

柞械其特

齊民要術曰柞斫去尋生宜種于山阜之

曲十年中椽二十年中屋榑柴在外 漢書曰五柞宮  
有五柞樹皆連抱樹枝覆陰數十畝 崔豹古今注曰  
鑿木出交州林邑國也色黑而有文亦謂之文太

櫟

原爾雅曰櫟其實棗椒之屬其子房生為棗 陸璣詩  
疏曰周秦謂柞櫟為櫟河內人謂木蓼為櫟椒櫟之屬  
也 增六書故曰櫟冬不凋其實如斗有黑心櫟白櫟  
綿櫟白櫟子尤細綿櫟以堅忍得名 本草李時珍曰

櫟二種一種不結實者名械其木心赤詩曰瑟彼柞械  
是也一種結實者其名曰栩其實為橡二者葉如槲葉  
而文理皆斜句四五月開花如栗花黃色實如荔枝而  
有尖其蒂有斗包其半截其仁如老蓮肉儉歲采以為  
飯或擣浸取粉豐年可以肥猪其木高二三丈堅實而  
重大者可作柱棟小者可為薪炭橡可以染皂周禮職  
方氏山林宜阜物柞栗之屬即此也嫩葉可煎飲代茶  
詩曰集于苞栩 又曰山有苞櫟 後漢書曰李恂

詣洛陽時歲荒司空張敏司徒魯恭等各遣子饋糧悉

無所受徙居新關下拾橡實以自資

橡標實也

晉書曰摯

虞從惠帝幸長安及東軍來迎百官奔散遂流離鄠社  
之間轉入南中糧絕饑甚拾橡實食之 水經曰若耶

溪孤潭上有一櫟樹謝靈運與從弟惠連嘗遊之作聯

句題刻樹側

原莊子曰匠石之齊至于曲轅見櫟社

樹其大蔽牛絜之百圍其高臨山十仞而後有枝其可  
以為舟者旁十數匠石不顧曰散木也無所可用故能

若是之壽匠石歸櫟社見夢曰使予也而有用且得有此大也耶 增淮南子曰十二月宮獄其樹櫟 杜甫詩曰歲拾橡栗隨狙公

櫟

增爾雅曰檟樸心

即樸檟也郭注曰檟檟別名有心能濕一名心

本草曰檟

有二種一種叢生小者一種高者名大葉櫟似栗而長大麤厚花亦如栗冬月凋落實似橡子稍短小味惡荒歲人亦食之木理粗不及橡木所謂櫟之材者指此

詩曰林有樸櫟

北齊書曰韋孝寬忌斛律光英勇

作謠言曰高山不推自崩櫟木不扶自豎 唐武后時

仗前有大櫟樹頒赦之日置金雞其杪賜號金雞樹

櫟

增陸璣疏曰櫟形似荆而赤莖似著 爾雅翼曰櫟堪

為矢 原書曰荊州厥貢惟箛簞櫟 詩曰瞻彼旱麓

榛櫟濟濟 詩義疏曰櫟上黨人篋以為箱器屈以為

釵故上黨調問婦人買楮不甃中自有黃土買釵否山

中自有楷矢 增孔子世家曰有隼集于陳廷而死楷  
矢貫之石砮矢長尺有咫陳湣公使使問仲尼仲尼曰  
此肅慎之矢也昔武王克商肅慎貢楷矢石砮長尺有  
咫先王以分大姬配胡虞公而封諸陳試求之故府果  
得之 原文選曰彼榛楷之勿翦亦蒙榮於集萃

女貞

增羣芳譜曰女貞一名貞木一名蠟樹處處有之以子  
種而生最易長樹似冬青葉厚而柔長面青背淡長者

四五寸甚茂盛凌冬不凋人亦呼為冬青五月開細花  
青白色花甚繁九月實成似牛李子累累滿樹生青熟  
紫木肌白膩立夏前後取蠟蟲種子裹置枝上半月其  
蟲化出延緣枝上造成白蠟民間大獲其利 原典術  
曰女貞木者少陰之精冬葉不落 山海經曰太山多  
貞木 鄭氏昏禮謁文贄曰女貞之樹柯葉冬生寒涼  
守節險不能傾 晉宮閣名曰華林園女貞一株 增  
琴操曰魯有處女見女貞木而作歌

原頌晉蘇顏女貞頌曰昔東阿王作楊柳頌辭義慷慨  
旨在其中余今為女貞頌雖事異於往作蓋亦以厲治  
容之風也女貞之樹一名冬生負霜葱翠振柯凌風故  
清士欽其質而貞女慕其名或樹之於雲堂或植之於  
階庭

冬青

增羣芳譜曰冬青一名凍青一名萬年枝女貞別種也  
樹似枸骨子極茂盛高丈許木理白細而堅重有文葉

似櫨子樹葉而小又似椿葉微窄而頭頗員光潤經霜  
不凋堪染緋其嫩芽可食五月開細白花結子如豆紅  
色放子收蠟一如女貞江南冬青葉對生枝葉皆如桂  
但桂葉硬冬青葉軟稍異 彙苑詳註曰冬青一名萬  
年一名長生皆別名也漢晉殿前多植之 本草李時  
珍曰凍青亦女貞別種也但以葉微團而子赤者為凍  
青葉長而子黑者為女貞 常氏曰鈔曰冬青花關係  
水旱其花不落濕地諺云黃梅雨未過冬青花未破冬

青花已開黃梅便不來 洛陽宮殿簿曰明光殿前長

生二株含章殿前長生一株 晉宮閣名曰華林園長

生六株萬年殿前長生二株 又曰華林園有萬年樹

十四株 鄴中記曰金華殿後有皇后浴室種雙長生

樹枝條交于棟上團團車蓋形冬日不凋葉大如掌至

八九月乃生華華色白子赤大如橡子不中啖也世人

謂之西王母長生樹 謝朓詩曰風動萬年枝 杜甫

詩曰下有冬青林石上走長根 盧多遜詩曰太液池

邊看月時好風吹動萬年枝

增詩唐許渾詩曰霜散不凋色兩株交石壇未秋紅實  
淺經夏綠陰寒

增賦晉嵇含長生樹賦曰余嬰丁閔凶靡所定居老母  
垂聖善之訓以為生事愛敬沒則無改宜居墓次瞻奉  
威靈兼覽藝文可以不殞先軌祇奉慈令遂家于墳左  
埽除壇封種植松柏松柏之下不滋非類之草猥有長  
生育于域內豈老母至行表徵于嘉木哉辭曰美我親

之仁孝固徵瑞之必招降祖宗之遺德振奇木之青條  
結根擢幹載生無漸弱莖猗猗綠葉冉冉處陰冬而愈  
茂豈莖葉之有點感自然以旌賢諒有道之不掩

### 木蘭一

增本草釋名曰林蘭杜蘭木蓮

其香如蘭其狀如蓮故名黃心其木心黃

故名白居易集曰木蓮生巴峽山谷間民呼為黃心樹

大者高五六丈涉冬不凋身如青楊有白紋葉如桂而  
厚大無脊花如蓮香色豔膩皆同獨房蕊有異四月間

始開二日即謝不結實 李時珍曰木蘭枝葉俱疏其  
花內白外紫亦有四季開者深山生者尤大可以為舟  
花有紅黃白數色木肌細而心黃梓人所貴 原戴延  
之西征記曰顯陽殿前有木蘭 洛陽宮殿簿曰顯陽  
殿前有木蘭二株 晉宮閣名曰華林園木蘭四株  
增洞冥記曰乾封三年大秦國獻花蹄牛飼以木蘭之  
葉使方國貢此葉此牛不甚食食一葉則累月不饑  
述異記曰木蘭川在尋陽江中多木蘭樹昔吳王闔閭

植木蘭於此用構宮殿 又曰七里洲中有魯班刻木

蘭為舟至今在洲中詩家所云木蘭舟出於此 原神

仙傳曰北海于君病瀕見市有賣藥姓公孫帛因問之

公曰明日木蘭樹下當教卿明日往授素書二卷以消

災救病無不愈者 增嵐齋錄曰張搏為蘇州刺史植

木蘭花於堂前花盛時宴客命即席賦之陸龜蒙後至

張連酌浮之徑醉強索筆題兩句洞庭波浪渺無津日

日征帆送遠人積然醉倒客欲續之皆莫曉其意既而

稍醒續曰幾度木蘭船上望不知元是此花身遂為絕

唱 原離騷曰朝搴阰之木蘭

阰山名也

又曰朝飲木蘭

之墜露夕餐秋菊之落英 增蜀都賦曰其木則有木

蘭侵桂

## 木蘭二

增詩唐李涉詠木蘭花詩曰碧海真人著紫衣始堪相  
並木蘭枝今朝繞郭花看徧盡是深村田舍兒 徐凝  
詠木蘭花曰枝枝轉勢雕弓動片片搖光玉劒斜見說

木蘭征戍女不知那作酒邊花 白居易詩曰紫房日  
照胭脂折素豔風吹膩粉開悟得獨饒脂粉態木蘭曾  
作女郎來 李商隱詩曰二月二十五木蘭開折初初  
猶新病酒復似久離居悲絕更傾國驚心開遠書紫絲  
何日障油碧幾時車弄粉知傷重調紅或有餘波痕空  
映襪烟態不勝裾桂嶺含芳遠蓮塘屬意疏瑤姬與神  
女長短定何如

原賦晉成公綏木蘭賦曰許昌西園中木蘭樹余往觀

之遂為賦曰覽衆樹之列植嘉木蘭之殊觀至於玄冥  
授節猛寒嚴烈戕戕堅冰雪霏白雪木應霜而枯零草  
隨風而摧折顧青翠之茂葉繁旖旎之弱條諒抗節而  
矯時獨滋茂而不雕

枿櫚一 櫚木附

原廣雅曰枿櫚枿也 廣志曰枿櫚葉似車輪乃在巔  
上有皮纏之附地起二旬一米轉復上生 增本草李  
時珍曰枿櫚一名枿櫚俗作棕櫚皮中毛縷如馬之駿

蘆故名出嶺南西川今江南亦有種之最難長初生葉如白及葉長高二三尺則木端數葉大如扇上聳四散歧裂其莖三稜稜邊如刺四時不凋幹正直無枝近葉莖處有皮裹之每長一層即為一節幹身赤黑皆筋絡可為鍾杵亦可旋為器物其皮有絲毛錯綜如織剥取縷解可織衣帽褥椅鐘盂之屬大為時利每歲必兩三剥之否則樹死或不長剥之多亦傷樹三月於木端莖中出數黃苞苞中有細子成列乃花之孕也狀如魚腹

孕子謂梭魚亦曰梭笋漸長出苞則成花穗黃白色結實累累大如豆生黃熟黑甚堅實或云南方此木有二種一種有皮絲可作繩一種小而無絲惟葉可作帚別有蒲葵葉與此相似而柔薄可作扇笠許慎說文以為梭櫚誤矣 原山海經曰腕之山其木多梭 吳錄地理志曰武陵臨沅縣多枏櫚木生山中 晉令曰其夷民守護梭皮者一身不輸 增齊書曰高帝討晉安王時朝廷器甲皆充南討常軍容寡闕乃編梭皮為馬具

裝折竹為寄生夜舉火進軍賊望見恐懼未戰而走

梁書曰張孝秀性通率不好浮華常冠縠皮巾躡蒲履  
手執柈欄皮麈尾 通書曰訶陵國在南海中以木為

城雖大屋亦覆以柈欄 杜詩注曰甫因朝廷以李林

甫瑣瑣之才代張九齡為相作梭拂子詩以寓意 雲

仙雜記曰方鎔隱天門山以棕櫚葉拂書號無塵子曰

以酒脯祭之 東坡詩註曰梭筍狀若魚子而加甘芳

筍生膚毳中蓋花之方孕者正二月間可剝而取之過

此則苦澀不可食矣取之無害于木而宜於飲食法當  
蒸熟以竹笋同蜜煮醋浸可致千里外 埤雅廣要曰  
蜀錦城之南有海梭焉幹猶龍鱗枝猶鳳尾高百尺餘  
相傳繇李唐來闕干稔矣明徙其株于金陵莖葉披萎  
略無生意較還蜀植之護以赤欄甃以紋石其枝仍前  
峻拔秀薄雲漢有若曾不知其徙也者邇者其在城南  
者幹古顛仆命中貴吳從政視之惜其材初未諳他用  
既而斲為五十餘琴以進異音清發雖爨下之桐未可

儼也祕內帑士之嗜音者恒企慕焉 本草曰櫚木出  
安南性堅紫紅色有花文者謂之花櫚可作牀几扇骨  
為枕令人頭痛性熱故也俗作花黎誤矣

## 枏櫚二

增詩唐杜甫詠枯櫚詩曰蜀門多櫚櫚高者十八九其  
皮割剥甚雖衆亦易朽徒布如雲葉青青歲寒後交橫  
集斧斤凋喪先蒲柳傷時苦軍乏一物官盡取嗟爾江  
漢人生成復何有有同枯櫚木使我沈歎久死者即已

休生者何自守啾啾黃雀啁側見寒蓬走念爾形影乾  
摧殘沒藜莠又海棕行曰左綿公館清江濱海棕一

株高入雲龍鱗犀甲相錯落蒼稜白皮十抱文自是衆  
木亂紛紛海棕焉知身出羣移栽北辰不可得時有西  
域胡僧識宋梅堯臣稜櫚詩曰青青稜櫚樹散葉如  
車輪擁籜交紫髯歲剥豈非仁用以覆凋興何憚尅厥  
身蘇軾送稜筍與殊長老詩曰贈君木魚三百尾中  
有鵝黃子魚子夜叉剖癭欲分甘籜龍藏頭敢言美願

隨蔬果得自用勿使山林空老死問君何事食木魚烹  
不能鳴固其理 唐庚梭花詩曰斫斫夜叉頭取出仙  
人掌鮫人滿腹珠魚新出網 洪舜俞詩曰舊脫敗  
蓑亂新添華節高肅容春尚靜俠氣夏方豪黃子魚  
腹青披孔雀尻豐撞如何製雷動景鐘號

原頌梁江淹拊欄頌曰異木之生疑竹疑草攢叢石徑  
森從山道烟岫相珍雲壑共寶不錦不縟何避山巧

增賦宋劉敞拊欄賦曰圓方相磨純粹精兮剛健專直

交神靈兮馮翼正性  
枿櫨榮兮中立不倚  
何亭亭兮受命自天  
非曲成兮外無附枝  
匪其旁兮密葉森森  
劒戟鏦兮溫潤可親  
廉而不傷兮雪霜青青  
不畏僵兮壽比南山  
邈其無疆兮被髮文身  
何佯狂兮沐雨櫛風  
蹇無所妨兮苦身克已  
用不失職兮摩頂至踵  
尚禹墨兮黃中通理  
類有德兮屹如承天  
孔武且力兮懍其無華  
不尚色兮遁世無悶  
曷幽嘿兮明告君子  
吾將以為則兮

荆一

增格物論曰荆小木叢生枝莖婆婆葉刻缺而麤澀荒  
坂洲渚多有之又有所謂牡荆杜荆山荆等其名不一  
原廣志曰楚荆也牡荆蔓荆也 又曰赤荆大實者

名曰牡荆 增本草曰牡荆一名黃荆一名小荆一名  
楚山野多有年久不樵者樹大如盃其木心方其枝對  
生一枝五葉或七葉如榆長而尖有鋸齒五月杪間開  
花成穗紅紫色子有白膜皮裹之蔓荆其枝小弱如蔓  
故名石荆似荆而小生水旁紫荆高樹柔條其花甚繁

至秋子熟正紫圓如小珠名紫珠其皮入藥以川中厚而紫色味苦如膽者為勝藥荆一名頑荆莖葉都似石南幹亦反卷經冬不死葉上有細黑點者真也 原詩

曰翹翹錯薪言刈其楚

楚荆也

又曰揚之水不流束楚

又曰綢繆束楚

又曰交交黃鳥止于楚

禮弓矢

圖楚孳以荆為之然以灼正以荆者凡木心圓荆心方也 春秋運斗樞曰玉衡星散為荆 顧微廣州記曰

撫納縣出金荆

又曰金荆可作枕白荆堪為履紫荆

堪為牀 文選曹植曰不別荊棘者慶雲之惠也 謝  
朓詩曰寒城一以眺平楚正蒼然

荊二

原漢書曰淮南王安謀反伍被諫曰昔子胥諫吳王云  
臣今見麋鹿遊姑蘇之臺臣今亦將見宮中生荊棘露  
霜衣也 增後漢書曰鮑永為魯郡太守時董憲別帥  
彭豐虞休皮常等各千餘人稱將軍不肯下頃之孔子  
闕里無故荊棘自除從講堂至于里門永異之謂府丞

及魯令曰方今危急而闕里自開斯豈夫子欲令太守  
行禮助吾誅無道耶乃會人衆修鄉射之禮請豐等共  
會觀視欲因此擒之豐等亦欲圖永乃持牛酒勞饗而  
潛挾兵器永覺之手格殺豐等擒破黨與帝嘉其略封  
為關內侯 原周景式孝子傳曰古有兄弟忽欲分異  
出門見三荆同株接葉連陰歎曰木猶欣聚況我而殊  
哉還為雍和 神仙傳曰吳有徐隨居丹徒左慈過隨  
門下有宿客車六七乘欺慈云徐公不在慈去客皆見

牛在楊樹杪車轂中皆生荆木長一二丈客懼入報隨  
隨曰此左公遣追之客逐慈叩頭謝客還見牛故在地  
無復荆木也 增晉書曰索靖知天下將亂指洛陽宮  
門銅駝歎曰會見汝在荆棘中耳

### 荆三

增聲子班

廉頗負

左傳伍舉入鄭聲子將如晉遇之於鄭班荆相與食而言復故史

記廉頗肉袒負荆因賓客至蘭相如門謝

漢檣

齊杖

漢書郊祀志以牡荆畫檣日月北斗

登龍以象太一三星為泰一鉗旗命曰靈旗 齊書東昏侯作芳樂苑于苑中立市以潘貴妃為市令自為市

錄事小有得失妃則予杖乃  
敕虎賁不得進大荆實中荻

議分即枯  
指病則愈

齊諧記田真田慶田廣兄弟欲分財堂前紫荆花葉茂  
盛夜議斫分取之曉即憔悴真歎曰樹木同株聞分斫

所以憔悴人何不如由是不復分也  
本草寧浦有牡

荆指病自愈節不相當者月暈時刻之與病人身齊等

置牀下病雖

生門中

試道次

東觀漢記尹勤治韓  
詩事薛漢身牧豕事

危亦無害也

親至孝無有交遊門生荆棘

隋史燕榮為幽州總管

嘗按部道次見叢荆堪為笞箠取以試人人自陳無罪

榮曰後有罪當免及犯細過將撻之人曰前許

文如

有罪宥之榮曰無過尚爾況有過乎榜撻如初

錦花似雪

僉載煬帝令朱寬征留仇國還得金荆瘡  
數十片色如真金文彩盤蹙有如美錦甚

香極細可以為枕及案面  
花木考曰荆出吳興玉虛  
洞後花白似雪邑人爭賞之又有一種茄花色者柔媚

可愛  
歡同株  
辭故枝  
陸機詩三荆歡同株四鳥悲異林杜甫詩風吹紫荆樹色與

春庭暮花落辭故枝風迴返無處

### 荆四

原頌梁江淹金荆頌曰江南之山連障連天既抱紫霞亦漱絳煙金荆佳樹涵雲宅仙姝節詎及幽意誰傳  
增序宋顏竣几贊序曰今上在彭城賜金荆臥几

### 棘一

增彙苑詳注曰棘木名小棗也如棗而多刺以其有刺

故從兩束凡有刺者皆曰棘木色白者為白棘酸者為  
棘棘埤雅云棘性堅強其心之生更難于幹又云鵲巢  
中必有棘蓋棘性暖故也今人養花之法初春以棘數  
枝置花叢上可以辟霜護其花芽也 原詩曰凱風自  
南吹彼棘心 又曰尸鳩在桑其子在棘 又曰肅肅  
鵲羽集于苞棘 增又曰墓門有棘斧以斯之 原又  
曰湛湛露斯在彼杞棘 又曰營營青蠅止于棘 周  
禮曰左九棘孤卿大夫位焉右九棘公侯伯子男位焉

增王制曰司寇聽之棘木之下 原春秋元命苞曰

樹棘聽訟其下者願取其赤實也 春秋繁露曰美惡

之類各以類應故以龍致雨以扇逐暑軍之所處生以

棘楚 增宋書袁淑上太祖書曰所謂棲鳥於烈火之

上養魚于叢棘之中 隋書曰流求國居海島之中土

人居之曰波羅檀洞塹柵三重環以流水樹棘為藩

老子曰師之所處荊棘生焉 呂氏春秋曰枳棘之有

刺也裘狐之有皮也食棘之刺裘狐之皮先王固用非

其有而已有之湯武一日而盡有夏商之地 秦子曰  
踰枳棘之籬則有維絰之患登椒桂之圃則有榮華之  
芳 文選曰剪棘開舊畦 原離騷曰甘棠苦于豐草  
荆棘生于中庭 吳都賦曰亦猶棘林之螢耀與夫尋  
木之龍燭 魏都賦曰尋靡蒔於中逵造木猴于棘刺  
棘二

原周書程寤曰文王在翟夢南庭生棘小子發取周庭  
之梓樹樹之于闕間化松柏槭柞驚以告文王文王召

發於明堂拜吉夢受商大命秋朝士 增左傳曰豎牛  
奔齊孟仲之子殺之投其首於寧風之棘上 韓子曰  
宋人為燕王以棘刺之端為沐猴者使王必三月齊而  
後觀之右御冶工謂王曰臣聞人主無十日不燕今王  
不能久齊故以三月為期也棘刺至小安可削乎主必  
察之王囚而問之果無有乃殺之冶人謂王曰士有虛  
名多棘刺之說也 原陳留耆舊傳曰魏尚繫詔獄有  
雀集棘樹上占曰夫棘中心赤外有刺象我言有棘而

赤心之至誠也 後漢書曰我有枳棘岑君伐之 增

又曰馮異朝京師引見帝謂公卿曰是我起兵時主簿也為吾披荊棘定關中 又曰仇覽字季智一名香陳

留考城人也時考城令河內王奐政尚嚴猛聞覽以德化人署為主簿後奐謝遣之曰枳棘非鸞鳳所棲百里豈大賢之路今日太學曳長裾飛名譽皆主簿後耳以一月俸為資勉卒景行 原晉書曰石季龍大饗羣臣於大武殿佛圖澄曰殿乎殿乎棘子成林將壞人衣龍

發下石果有棘生 增又曰崔洪靖厲骨鯁為尚書左  
丞時人為之語曰叢生棘棘來自博陵在南為鷄在北  
為鷹

增詩宋路振伐棘篇曰伐棘何所山之巔秋風騷颺棘  
子丹折根破柢堅且頑劓夫超超汗污顏攢鋒束芸趨  
道還稊之森森繚長藩暮久號風雪暗天千矛萬戟爭  
後先襟袖結裂不可揜蹠破指傷流血殷神離氣沮走  
踣蹢數尺之牆弗復攀索頭醜奴搔河孺朔方屯師連

七年木波馬嶺沙填填氣脈不絕如喉咽官軍虎怒思  
吼軒強弩一發山河穿將不叶謀空即安翫養小醜成  
兇顛推芻挽粟徒喧喧邊臣無心靜國艱為余諷此伐  
棘篇 明劉基和石公種棘詩曰力役困年侵種棘代  
遮邏豫防苟無失有地孰敢唾風條曲抽乙雨葉細垂  
箇是時春載陽土脈如膏和分疆督藝植勤惰各有課  
揮鋤綠煙披轉石蒼蘚破稍看萌蘖長漸覩根株大結  
蔭冒長隄開花映高座猿公不敢窺貉子那得過慨慕

陶公言罔俾分陰蹉

榕

增彙苑詳注曰榕有二種一種初生似葛藟緣木後乃成樹其鬚著地復生為根一種名赤榕最為高大二樹為蔭最濃人家栽之以障風蔽日此樹生至福州而止因呼福州為榕城云 花木志曰榕初生少時緣縛他樹如外方扶芳藤形不能自立根本緣繞他木傍作連結有如羅網相絡然後木理連合鬱茂扶疎高六七丈

嶺表錄異曰榕樹桂廣容南府郭之內多栽此樹葉

如冬青秋冬不凋枝條既繁葉又蒙細而根鬚繚繞枝

幹屈上青嫩條如藤垂下及地藤稍入土根節或一大

榕樹三五處有根者又橫枝著鄰樹則連理南人以為

常不為瑞木 陳後山談叢曰蔡州壺公觀有大木四

垂旁出人莫能知張幾閩人嘗至蔡為余言乃榕木也

彙苑詳註曰瀘州寶山之趾古榕盤結如龍黃魯直

題曰木龍巖 張栻集曰昔黃山谷南遷維舟榕樹下

後人為作榕溪閣 柳宗元詩曰榕葉滿庭鶯亂啼

張栻詩曰榕根浮小舟 楊萬里詩曰斜陽碎入高榕  
葉翻作青天覆作金

### 朱樹

原說文曰朱松柏屬故類朱赤松也 山海經曰崑崙  
山上有朱樹

### 君子

原廣志曰君子樹似桤松曹爽樹之於庭 晉宮閣名

曰華林園中有君子樹三株 增戴嵩詩曰接越稱交

讓連樹名君子 江總詩曰連楹君子樹對幌女貞枝

### 靈壽

增爾雅曰楮櫟

郭注腫節可以為杖

陸氏詩疏曰楮節中腫似

扶老即今靈壽也以作杖及馬鞭弘農郡北山有之

師古註曰靈壽木名似竹有枝節長不過八九尺圍三

四寸自合杖制不須削治也 原山海經曰廣都之野

靈壽實華 增水經注曰來水合溱水湘水千秋水出

萬歲山山生靈壽木

原漢書曰霍光年老賜靈壽杖

增詩唐柳宗元植靈壽木詩曰白華鑒寒水怡我適野  
情前趨問長老重復欣嘉名蹇連易衰朽方剛謝經營  
敢期齒杖賜聊且移孤莖叢萼中競秀分房外舒英柔  
條乍反植勁節常對生循翫足忘疲稍覺步武輕安能  
事剪伐持用資徒行

棟

增爾雅翼曰棟木高丈餘葉密如槐而尖三四月開花

紅紫色子可浣衣 淮南子曰七月其樹棟棟實鳳凰

所食也 本草曰苦棟子亦曰金鈴子花落子謂之石

茱萸 風俗通曰獬豸食棟 荆楚歲時記曰蛟龍畏

棟 王禎農書曰鷓鴣食棟實

檀

增羣芳譜曰檀善木也其字從亶有黃白二種江淮河  
朔山中皆有之葉如槐皮青而澤肌細而膩體重而堅  
狀如梓榆莢遂相似材可以為車輻及斧鉞諸柯臘月

分根傍小枝種 詩曰將仲子兮無踰我園無折我樹

檀 又曰坎坎伐檀兮寘之河之干兮 又曰檀車煌

煌 遁甲開山圖曰河東有獨頭山多青檀可以為良

弓 聖賢冢墓記曰孔子墓有檀樹 爾雅疏齊人諺

曰上山斫檀樸櫨先殫

樸櫨魄也大木細葉似檀故云

### 樺木

增本草曰樺堪為燭木似山桃脂燒之辟鬼 格物總論曰樺木似山桃皮上有紫黑花勻者用以裹鞍及弓

鐙又可以入藥 國史補曰唐正旦曉漏以前三司使  
大金吾以桦燭擁馬謂之火城 白居易詩曰風燭桦  
煙香 蘇軾詩曰送客林中桦燭香

烏白

增羣芳譜曰烏白一名鵝白樹高數仞葉似小杏葉而  
微薄淡綠色五月開細花色黃白實如雞頭初青熟黑  
分三瓣八九月熟咋之如胡麻子汁味如猪脂南方平  
澤甚多種之佳者有二曰葡萄白穗聚子大而穰厚曰

鷹爪白穗散而殼薄臨安人田畔必種烏白歲收白子  
便可完糧樹大者或收子二三石忌近魚塘令魚黑且  
傷魚 本草曰葉可染皂子油然燈極明 陸龜蒙詩  
曰行歇每依鷗舅影挑頻時見鼠姑心

夫移

原爾雅曰唐棣移也似白楊江東呼夫移 詩曰何彼  
穠矣棠棣之華 又曰山有苞棣 又曰六月食鬱及  
薁 薁夫移也 又曰常棣燕兄弟也閔管蔡之失道常棣之

華萼不煒煒凡今之人莫如兄弟 禮記疏曰夫移一名奠李一名鬱梅一名車下李一名鬱

楠

原晏子春秋曰景公登青堂見斷楠淮門者令誅之晏子諫曰前晃旒惡多見也黠續塞耳惡多聞也人君自生其民公曰趣金之

櫻

增山海經註曰櫻似松柏有刺 張衡南都賦曰檉松

楔椶

杻

增爾雅曰杻櫪

郭注曰似棗細葉材中車輞關西呼杻子一名土櫪

詩曰隰有

杻 又曰北山有杻

陸璣疏曰葉似杏而尖白色皮正赤多曲少直二月中開疏花如練

而細蕊正白宮園種名曰萬歲既取名于萬億其葉又好故種之或謂之牛筋可為弓弩幹

山海

經曰岨峽之山其木多櫪杻

櫪

增類篇曰櫪越椒也

宋春秋曰義熙八年太社櫪樹

生于壇側櫟尚黑也宋水德忽生此樹

白銀

增湘洲記曰益陽縣西山多銀木 晉宮閣名曰華林

園白銀八株 宋書曰晉孝武帝太元十八年臨川東興縣東南溪傍有白銀樹連理

杭

增爾雅曰杭魚毒 郭璞注曰杭大木子似栗生南方皮厚汁赤中藏卵巢 臨海異物志曰杭味如楮 廣

志曰杭木漬其汁消殺衆毒生南海 容齋隨筆曰杭木饒州處處有之莖幹不純是木小人爭鬪者取葉擦皮膚輒赤腫如被傷以誣人至和鹽擦卵則又染其外若赭色也

### 模

增淮南草木譜曰模木生周公冢上其葉春青夏赤秋白冬黑以色得其正也

### 楷

增楷出曲阜孔林紋如貫錢有直性有橫性制杖可以戒暴又子貢楷大倍他植枯而不蝕真古木也

# 檀

增山海經曰單狐之山多機木

郭注似榆可燒以糞田楊慎曰即檀木

杜甫詩曰飽聞檀木三年大為致溪邊十畝陰 又曰

檀林蔽日吟風葉 蘇軾詩曰檀木三年已足燒

# 勝火

增伏琛齊地記曰東武城東南有勝火木俗音曰捷子

其木經野火燒炭不滅故東方朔謂為不炭之木 開  
山圖曰徐無山出木色黑似炭而無葉名不炭木 左  
思齊都賦曰勝火之木衝水之草

### 栲 栲

增劉恂嶺表錄曰栲栲枝葉並茂與檳栲小異然葉下  
有鬚如麤馬尾廣人采之以織巾子得鹹水浸即麤脹  
而韌彼人以縛海舶不用釘線木性如竹紫黑色有文  
理而堅可制奕局樹皮中有屑如麪可作餅食 臨海

異物志曰姑榔木生牂牁山谷外皮有毛如椶櫚而散  
生絳縷漬之不腐其木剛利如鐵可作鉞鋤中濕更利  
惟中焦即致敗耳皮中有白粉似稻米粃及麥麩可作  
餅餌食彼土少穀常以牛酪食之 廣志曰木大者四

五圍高五六丈拱直無旁枝巔頂生葉數十破似棕葉  
其木肌堅斫入數寸得粉赤黃色可食 海槎錄曰枕  
根有節似大竹樹杪挺出數枝開花成穗綠色子如青  
珠其木最重色類花櫚而多紋番舶用代鐵鎗鋒銳甚

利 左思吳都賦曰麪有桄榔

櫟木

增本草李時珍曰櫟一名莎木其葉離披如莎衣狀按  
劉欣期交州記曰都勾樹似椶櫚木中出屑如桄榔麪  
恐即此木也 廣志曰莎樹多枝葉兩邊行列若飛鳥  
翼其麪色白樹收麪不過一斛擣篩乃如麪不則如磨  
屑為飯滑軟 吳錄地理志曰交趾望縣有櫟樹其皮  
中有如白米屑者水淋之似麪可作餅郡內皆有之

南中八郡志曰莎樹大四五圍長十餘丈皮能出麪大者百斛色黃 吳都賦曰文穰貞樞

放杖木

增本草曰木生溫括睦婺山中樹如木天蓼老人浸酒服之一月放杖故以為名

木棉

增本草釋名曰一名古貝梵書謂之睽婆又曰迦羅婆  
去 吳錄地理志曰交趾定安縣有木絲樹高大實如

酒杯中有綿如絲之綿又可作布名曰縹一名毛布  
羅浮山記曰木綿正月則花大如芙蓉花落結子子內  
有綿甚白南人以為縕絮 廣志曰綿樹赤花為房甚  
繁偏側相比為綿甚軟出交州永昌 廣州志曰枝似  
桐葉似胡桃而稍大出交廣二州 南史曰林邑諸國  
出古貝花中有鵝毳抽其緒紡為布 唐李琮詩曰腥  
味魚中墨衣裁木上棉

娑羅綿樹

增黎州通望縣有銷樟院在縣西天王堂前古柏樹下有  
大池池南娑羅棉樹三四人連手合抱方匝先生花  
而後生葉其花盛夏方開謝時不背而墮宛轉至地其  
花蕊有棉謂之娑羅棉善政鬱茂違時枯凋

綸木

增威寧縣有穿州其上多綸木似殼皮可以為棉

文木

增本草曰一名烏楠木一名烏文木出海南雲南南番

葉似梭櫚其木漆黑體重堅緻可為筋及器物有間道者嫩木也南人多以繫木染色偽之溫括婺等州亦出此物 山海經曰符禺之山文木其實如棗 南方草木狀曰文木樹高七八丈其色正黑如水牛角作馬鞭日南有之

貝多

增廣州記曰似枇杷而有光澤耀日枝柯去地四五丈作懸根生地便大如本枝形一樹亦可有數十根如本

形花白子不中食種於精舍浮圖前 嵩高山記曰嵩  
高寺中有思惟樹即貝多也如來坐貝多下思惟因以  
為名 花木志曰思惟樹漢時有道人自西域來持貝  
多子植於嵩之西峰下後極高大有樹四株一年三花  
唐書曰貞觀中墮婆登國遣使朝獻其國在環王南  
行二月乃至東訶陵西迷黎車接北屬海風俗與訶陵  
同種稻月一熟有文字以貝多葉寫之 杜寶大業拾  
遺記曰洛陽翊津橋通翻經道場東街其道場有婆羅

門僧及身毒僧十餘人新翻諸經其所翻經本從外國  
來用貝多樹葉書葉長一尺五六寸濶五寸許葉形似  
琵琶而厚大橫作行書隨經多少縫綴其一邊帖帖然  
相思子

增本草曰相思子一名紅豆生嶺南樹高丈餘葉似槐  
花似阜莢莢似扁豆子半紅半黑彼人以嵌首飾 古  
今詩話曰相思子圓而紅昔有人歿於邊其妻思之哭  
於樹下而卒因以名之

臘脂木

增木堅緻色如臘脂出融州桂林屬縣亦有之

鐵力木

增蠻地多山產材而鐵力木居多有力者取之治屋其木有參天徑丈餘者廣州人多採製椅棹等器鬻于吳浙間

抱木

增抱木產水中葉細如檜其身堅類柏惟根軟不勝刀

鋸今潮州新州多剝之為屨

播移

增林邑記曰播移樹柯節發根下垂虛中森羅望之似懸髮

千歲

增袁松山宜都山川記曰佷山有異木人無見其朽者其名曰千歲葉似棗色似桑冬青貞強少節目

疎麻

增南越志曰大二圍高數丈四月結實無衰落蓋木也  
娑羅樹

增娑羅樹出西番海中惟潯州官圃一株甚巨每枝生  
葉七片有花穗甚長而黃如栗花秋後結實如栗可食  
正所謂七葉樹也今餘杭南安寺前二株左右對植甚  
茂

增詩宋歐陽脩定力院七葉木詩曰伊洛多佳木娑羅  
舊得名常于佛家見宜在月宮生  
鈎砌陰鋪靜虛堂子

落聲夜風疑雨過朝露炫霞明車馬王都盛樓臺梵宇  
闕惟應靜者樂時聽野禽鳴

增狀唐李邕進娑羅樹狀曰此樹不庇凡草不止惡禽  
如得託根長樂擢穎建章布葉垂陰比月中之丹桂連  
枝接影對天上之白榆東瘁則青郊苦而歲不稔西茂  
則白藏泰而秋有成

菩提樹

增天台志曰山有菩提樹相傳西天梵僧遊化遺此種

樹如柿花亦大同未結蕊先乃別抽一葉長指半許潤  
兩指色白而光潤乃結蕊於葉下日則覆子以蔽穢夜  
則捧子以承露秋社後取子為珠十百中必有一二如  
羅漢者謂之佛頭他處所生則無

淨土樹

增樹在高陵縣南八里俗傳西域鳩摩羅什憩此覆其  
履上遂生茲樹二月開花如楊花八月結實如小栗殼  
中皆黃土

韓木

增九域志曰金城山上有韓木乃文公所植士人觀其  
花之疎密以知科第之多寡

弓樹

增弓樹在全羅道光州南門外枝幹輪囷大數十圍高  
七十餘尺邑人以發葉早晚占年之豐歉今枯

天符葉

增鎔山上有天符葉如荔枝葉而長有紋如蟲篆不知

何本或以為劉真人仙蹟 蘇軾詩曰天師化去知何  
日玉印相傳世共珍

紫銚樹

增出真臘國呼為勒佉亦出波斯國樹長一丈枝條鬱  
茂葉如橘經冬而凋三月開花不結子天大霧露及雨  
霑濡其樹枝條即出紫銚

丹青樹

增其樹直上百尺上結叢條狀如車蓋一丹一青斑駁

如錦繡長安謂之丹青樹

黃葛木

增忠州景德觀前有古木大數十圍枝柯盤鬱如蓋山  
中人云此黃葛木乃千年物也

水僊樹

增枸樓國有之腹有水謂之僊漿飲者七日醉

僊樹

增出祁連山行旅得之止飢渴一名四味其實如棗以

竹刀剖之則甘鐵刀剖則苦木刀剖則酸蘆刀剖則辛  
小兒樹

增文獻通考曰大食國西鄰大海常遣人乘船入海于  
海中見一石上有樹幹赤葉青上生小兒長六七寸見  
人皆笑摘入手中即乾黑而死

大食木

增大食西南二千里山谷間有木生花如人首與語輒  
笑則落

奄羅樹

增明一統志曰真臘國有奄羅樹花葉似棗實如李

鐵樹

增吳興王濟日詢手鏡曰余在廣西橫州之馴象衛殷  
指揮家見一樹高可三四尺幹葉皆紫黑色葉小類石  
榴質理細厚問之曰此鐵樹也每遇丁卯年乃花花四  
瓣紫白色如瑞香瓣較少圓一開累月不凋嗅之有草  
氣

鎖鎖

增輟耕錄曰回紇野馬川有木名鎖鎖燒之其火經年  
不滅且不作灰彼處婦女取根製帽入火不焚能辟寒  
射干

增孫卿子曰西方有木名射干莖長四寸生於高山之  
崖臨百仞之淵木非長也所立高也君子居必擇鄉遊  
必就士 阮籍詩曰射干臨層城

時好

增孫綽子曰北阜有木焉木名時好

膏夏

增膏夏大木也其理密白如膏淮南子曰巫山之上  
順風縱火膏夏紫芝與蕭艾俱死



御定淵鑑類函卷四百十六

# 欽定四庫全書

子部

御定淵鑑類函卷四百十七至  
九

詳校官鵠臣值寺少卿臣梁景陽

主事臣祁韻士覆勘

總校官進士臣繆琪

校對官中書臣王璜

謄錄監生臣湯安泰

欽定四庫全書

御定淵鑑類函卷四百十七

木部六

若木

來華

帝休

亢木

帝屋

丹木

櫟木

白荖

蒙木

三珠樹

沙棠

玉樹

赤木

建木

聖木

如何

不死樹

風聲木

垂龍木

恒春樹

影木

生金樹

拘尼佗樹

無憂樹

倒生木

額常

尸利沙樹

畢鉢羅樹

龍樹

繫象樹

竹

荀附

若木

原山海經曰灰野之山有赤樹青葉名曰若木

生崑崙西附西

極其華光  
赤照下地

淮南子曰若木在建木西上有十日其華

照下地 離騷曰折若木以拂日兮

原贊晉郭璞若木贊曰若木之生崑山是濱朱華電照  
碧葉玉津食之靈智為力為仁

采華

增山海經曰太極之山有采華之樹服之則通萬國之  
言

帝休

增山海經曰少室之山有木焉名曰帝休狀如楊其枝  
五衢黃華黑實服者不怒

帝屋

增山海經曰講山有木焉名曰帝屋葉如椒赤實可禦  
凶

櫟木

增山海經曰中曲之山有櫟木狀如棠員葉赤實實大  
如木瓜食之多力

蒙木

增山海經曰放臯之山有木焉其葉如槐黃華而赤實  
其名曰蒙木食之不惑

栳木

增山海經曰太室之中山其上有木焉葉狀如梨而赤  
理其名曰栳服之不妬

迷穀

增山海經曰招搖之山有木焉其狀如穀而黑理其花

四照其名迷穀佩之令人不迷

亢木

增山海經曰浮戲之山有木焉葉狀如樗而赤實名曰亢木食之不蠱

丹木

增山海經曰崦嵫之山其上多丹木其葉如穀其實大如瓜赤跗而黑理食之已痺可以御火 又曰崆山之  
上多丹木圓葉赤莖黃花赤實其味如飴食不饑丹水

出焉是生玉膏以灌丹木

白蓉

增山海經曰侖者之山有木焉其狀如穀而赤理其汗如漆其味如飴食者不饑可以釋勞其名曰白蓉可以血玉

芭

增山海經曰東始之山有木名芭其汁如血可以服馬

以汁塗馬則調良也

### 三珠樹

增彙苑詳註曰山海經云生赤水上為樹似柏葉皆為珠後至嶺南見海商下輿者言有珠子樹其珠生於蚌中蚌生於樹上綴著不解樹乃生於石石在海底蟹戶鮫人洄於水中鑿石得樹其樹如楊柳枝良可愛也

### 沙棠

增山海經曰槐江之上有木焉其狀如棠華黃赤實其味如李而無核名曰沙棠可以禦水食之使人不溺

飛燕外傳曰帝與飛燕遊太液池以沙棠木為舟其木  
出崑崙山人食其實入水不沉

玉樹

增山海經曰開明北有玉樹一樹有五彩

建木

增淮南子曰建木在廣都天帝所從上下處此木日中  
無影 海內經曰建木百仞無枝有櫛下有九枸其實  
如麻其葉如芒

增賦唐敬括建木賦曰廣都有建木大五千圍生不知  
始高八千尺仰不見巔過雷電遺雲烟倚白日磨青天  
靡蟠桃于度索之上毫若木于滄海之邊斯未足奇者  
天收寸雲日在午位明白宇宙光皎燭祕枝枝攢太虛  
外青葉葉積元氣間翠無一點之影落之於地故自當  
玉京之要得天下之中左右仙翁前後玉童潤瑤露颺  
祥風五雲翼之而斐亶八景含之而玲瓏帝或自天而  
降天寧假羽翼帝或自地而還地不乘虛空以我有飛

陸之力以我有太階之功必我之由忽乎遂通如此見其真宰之意生巨材而不易上帝之心寄巨材而亦深不然奚至是哉俗人生代重疊詭譎其或不聞聞之或不信境之絕信之或不往往之或不到智之劣自非天付洞微神與明哲樹杳杳而何在身紛紛而已滅士有以廣都為帝王之宅以建木為台階之臣自謂未達仰慕斯人髣髴雲霄徘徊風塵若巨材之一見希謁帝之有因

增贊晉郭璞建木贊曰爰有建木黃實紫柯皮如蛇纓  
葉有素羅絕陰弱水義人則過

### 聖木

增彙苑詳註曰聖木食之令人智聖也

增贊晉郭璞甘水聖木贊曰醴泉醴木養齡盡性增氣  
之和去神之冥何必生知然後為聖

### 不死樹

增博物志曰員丘上有不死之樹食之乃壽

增贊晉郭璞不死樹贊曰萬物暫見人生如寄不死之樹壽敝天地請藥西母焉得如羿

返魂樹

增十洲記曰聚窟洲海中申未地上有大樹與楓相似而花葉香聞數百里名為返魂樹伐其根心於玉釜中煮取汁令可丸名曰驚精香或名震靈丸或名返生香氣聞數百里死屍在地聞氣即活

赤木

增呂氏春秋曰指姑之東中容之國有赤木之葉焉

强木

增彙苑詳註曰强木不沉木也以之造船木方一寸以百觔巨石縋之終不沒

如何

增神異經曰南方荒中有如何之樹三百歲作華九百歲作實有核形如棗子長五尺金刀剖則飴不則辛食之得地仙

風聲木

增洞冥記曰太初三年東方朔從西那國還得風聲木  
十枚實如細珠風吹枝如玉聲有武事則如金革之響  
有文事則如琴瑟之響上以枝賜大臣人有病則枝汗  
將死則枝折里語曰年未半枝不汗此木五千年一濕  
萬歲一枯縉雲之世生于阿閼間也

垂龍木

增洞冥記曰元光元年起壽福靈壇關百步四周起銅

梁上列垂龍之木木似青梧高十丈有朱露色如丹其  
葉落地皆成珠其樹似龍體倒垂故名一曰傾虹樹

恒春樹

增拾遺記曰燕昭王與西王母遊通雲臺左右種恒春  
之樹葉如蓮花芬芳如桂花隨四時之色昭王之末仙  
人貢焉列國咸賀昭王曰寡人得恒春矣何憂太清不  
至

影木

增拾遺記曰瀛洲有樹名影木日中視之則一葉百影  
花有光夜如列星萬年一實大如瓜青皮黑瓢食之骨  
輕上如華蓋羣仙以避風雨

生金樹

增述遺記曰生金樹出影娥池破之皮間有屑如金而  
色青又名青金樹

無憂樹

增彙苑詳註曰無憂樹女人觸之其花始開

倒生木

增彙苑詳註曰此木依山生根在上有人觸則葉翕去則葉舒出東海

額常

增杜詩註云額常樹無皮出肅慎氏之國聖人在位則木生皮可為衣其國朝貢中國成王時一生之

閻浮樹

增彙苑詳註曰須彌山有此樹月過樹影入月中

拘尼佗樹

增彙苑詳註曰其樹花見月光花即開

尸利沙樹

增彙苑詳註曰其樹足踏即長

畢鉢羅樹

增彙苑詳註曰畢鉢羅樹出摩伽陀國即菩提樹在摩訶菩提寺蓋釋迦如來成道時樹莖幹黃白枝葉青翠經冬不凋

龍樹

增彙苑詳註曰華氏國國城之北有大山焉北去八里有大樹陰覆五百大龍其樹王名龍樹常為龍衆說法  
繫象樹

增彙苑詳註曰乾陀國頭河岸有繫白象樹花葉似棗  
柔冬方熟相傳此樹滅佛法亦滅

竹一  
筍附

原說文曰竹冬生草也象形下者箬箬也凡竹之屬皆

從竹 增爾雅曰蕩竹莽數節凡竹促節者名莽 桃枝四寸有

節鄰堅中

竹實中者名鄰

簡筴中

中空者名簡

仲無筴

未詳

篠箭

原

本草曰竹葉一名升斤竹花一名華草 增戴凱之竹

譜曰植物之中有名曰竹不剛不柔非草非木小異空

實大同節目或茂沙水或挺巖陸條暢紛敷青翠森肅

質雖冬蒨性忌殊寒九河鮮育五嶺實繁萌筍苞籜根

幹將枯花復乃懸筍必六十復亦六年

竹實曰復竹枯曰筍竹六十年

一易根必生花結實而枯及實落土又復生焉 籠鐘之美爰自崑崙籠鐘竹伶倫所伐也

廣志龍鍾  
任作笛

員丘帝竹一節為船

山海經衛丘山南帝俊竹林在焉大可為舟帝

俊舜也本草篲竹可為舟船廣志雲母大竹也出扶南可為船

巨細已覽形名未聞桂

實一族同稱異源

桂竹甚毒山海經雲山有桂竹傷人必死羣芳譜其竹高四五丈圍二尺

狀如甘草而皮赤出南康以南衛尤勁薄博矢之賢

衛竹名出員丘山

篲任篙

笛體特堅圓

篲竹似桂而概節

棘竹駢深一叢為林根如椎輪

節若束針亦曰筴竹城固是任篋筍既食鬢髮則侵

竹棘

生交州諸郡大者二尺圍厚幾實中夷人破以為弓枝節皆有刺彼人種以為城卒不可攻異物志所謂種為藩落阻過層墉者也或卒倒根出大如十石物從橫相承狀如纜車一名筴竹食其筍落人鬢髮廣志攤竹細

而多刺即筴竹也本  
草棘竹一名笏竹

簞體虛長各有所育

沈懷遠南越志博羅縣東

蒼州足簞竹銘曰簞竹既大薄

苦實稱名

本草苦竹二種一出江西

且空中節長一丈其直如松

閩中本極粗大笋味殊苦不可噉一出江

浙肉厚而葉長濶笋微苦俗呼甜苦笋

甘竹似篁而

茂即淡竹也弓竹如藤其節郛曲生多卧土立則依木

長幾百尋狀若相續質雖含文須膏乃縹

弓竹出東垂諸山長曲如

藤得木乃倚質有文章須膏塗火之乃見

厥族之中蘇麻特奇修幹平節大

葉繁枝凌羣獨秀蒨茸紛披

嶺表異錄沙麻竹廣桂皆植大如盆盥肉厚而空小

一人止擎一莖堪為茅屋之椽梁截其竿二尺許釘入土不踰月根生明年長芽笋不三載為林南越志沙麻

竹人削為弓弩淮南所謂

筭當

廣州記筭竹一名筭當節長一丈異物志生水

邊長數丈圍一尺五六寸吳錄曲江縣有筭射筒

射筒

當竹圍尺五寸節相去六尺夷人以為布葛

射筒

竹薄

肌而長中著

籜籜

籜籜竹

桃枝

桃枝竹皮滑而黃可為席山海經嶠冢之山

箭以為名

籜籜

籜籜竹

桃枝

席山海經嶠冢之山

水之上多桃枝竹

廣

長爽纖葉清肌薄皮千百相軋洪

州記廣州有桃枝竹

長爽纖葉清肌薄皮千百相軋洪

纖有差相繇既戮厥土惟腥三埤斯沮尋竹乃生

生海

前見

物尤世遠略狀傳名殷腸實中與筴相類於用寡

宜為笋殊味筋竹為矛稱利海表僅仍其幹及即其杪

生於日南別名為筴

筋竹長二丈許圍數尺至堅利出日南九真可為矛其筴未成竹時

堪為弩弦

一名篋竹 百葉參差生自南垂傷人則死醫莫能治亦

曰篋竹厥毒若斯彼之同異余所未知

異物志南方思牢國產竹可礪

指甲華陽國志百葉竹一枝百葉有毒傷人必死又名  
勞竹即篋竹也一作思牢羣芳譜今廣東新州有此種  
製成琴樣為厲甲之具用久微滑以酸漿漬之過宿快  
利如初一名滋勒夷人以刺虎豹即斃李商隱所謂思  
牢弩箭磨青石蘇軾所謂  
愁看濕勒暗蠻邨者也 篋與籥篋厥體俱洪圍或累

尺篋實篋空南越之居梁柱是供

異物志篋大數圍節間相去局促中實堅

強斷截便為棟梁不加斤斧也籥篋一作由衙一作由  
梧南方草木狀曰由梧竹史氏家種之長三四丈潤一

尺八九分堪  
作柱出交趾

竹之堪杖莫尚於筇磳石不凡狀若人功

豈必蜀壤亦產餘邦一曰扶老名實懸同

邛竹高節實中狀如人刺

俗謂之扶老竹羅浮山記邛竹本出邛山張騫西至大夏所見也而此山左右時有之鄉老多以為杖 節

簟二族亦甚相侶把髮苦竹促節薄齒束物體柔殆同

麻枲

本草柔者可為繩索謂之苦竹把髮

蓋竹所生大抵江東上密防露

下疎來風連畝接町疎散岡潭鷄脰似篁高而筍脆稀

葉稍似類記黃細

鷄脰竹篁之類大者不過如指疎葉黃皮強脆無所堪施筍美青斑色綠

江東所饒

狗竹有毛出諸東裔物類衆詭于何不記

狗竹節間有毛

出臨海

有竹象蘆因以為名東甌諸郡緣海所生肌理勻

淨筠色潤貞凡今之箴匪茲不鳴

此竹當是蘆出揚州東垂諸郡浙江以東

可以為箴會稽之箭東南之美古人嘉之因以命矢

箭竹高者一丈

節間三尺堅勁中為矢爾雅東南之美者有會稽之竹箭焉說文箭矢竹

筩籥載籍貢名荆

鄣尚書荆州厥貢惟筩籥楛楛孔安國註筩籥美竹出雲夢之澤可作矢

筍亦筩徒概節而

短江漢之間謂之箴竹根深耐寒茂彼淇苑

箴竹謂之箭竿一尺

數節葉大如扇可以衣蓬江漢之間謂之箴廣志箴竹可為屋椽

篲條蒼蒼接町連篲

性不卑植必也崑岡踰矢稱大出尋為長物各有用埽

之最良又有族類爰挺嶧陽懸根百仞疎幹風生簫笙

之選有聲四方質清氣亮衆管莫伉亦有海篠生於島  
岑節大盈尺幹不滿尋形枯若筋色如黃金徒為一異  
莫知所任赤白二竹還取其色白薄而曲赤厚而直沅  
澧所豐餘邦鮮植肅肅箛簞戛戛攢植擢笋於秋冬乃  
成竹無小無大千萬修直豐膜內髑繡文外施大如脚  
指蟲食其皮類繡甚可愛籊築誕節內實外澤作貢漁陽以供輅策  
浮竹亞節虛軟厚肉臨溪覆潦栖雲蔭木供筍滋肥可  
為旨蓄厥性異宜各有所育籠植于宛茶生于蜀細篠

大蕩竹之通目互名統體譬牛與犢人之所知事生軌  
躅赤縣之外焉可詳錄臆之筆之匪邁伊矚 廣志曰  
簍竹皮青內白如雪軟韌可為索漢竹大者一節受一  
斛小者數升為稗榼利竹蔓生實中堅韌 羣芳譜曰  
方竹產澄州體如削成勁挺堪為杖桃源山亦有方竹  
陽州亦出大者數丈斑竹即吳地稱湘妃者亦有二種  
出古辣者佳出陶虛山者次之亦有大如甌者機竹有  
三種上曰筍頭梗短葉垂堪置書几次曰短栖可列庭

階次曰樸竹節稀葉硬但可作扇骨料耳雙竹修篁嫩  
篠對抽並育謂之扶竹扶竹之笋名合歡武林山西院  
中產蘄竹出蘄州以色瑩者為簞節疎者為筍帶鬚者  
為杖韓愈所謂蘄州笛竹天下稀一府爭看黃琉璃者  
也慈孝竹生作大叢長幹中聳羣篠外護向陽則茂宜  
種高臺柯亭竹生雲夢之南以七月望前生明年七月  
望前伐過期則音滯未期則音浮龍孫竹生辰州山谷  
間高不盈尺細僅如鍼四季竹節長而圓中管籥生山

石者其音清亮月竹每月抽筍如箭短叢產嘉定州十  
二時竹產蘄州繞節凸生十二支字大夫竹凌雲圍三  
尺幽怪錄所云鄜延人伐此竹見二仙翁相謂平生勁  
節惜為主人所伐遂騰空去者也鳳尾竹纖小可玩高  
二三尺龜文竹產崇陽寶陀嵒僅一本製扇甚奇今絕  
種矣人面竹出剡山徑幾寸近本節密而凸宛如人面  
黑竹如藤長丈八尺色理如鐵思摩竹笋自節生既成  
竹至春節中復生筍出交廣通竹出漆州空心直上而

無節匾竹出廬山丹青竹出熊耳山葉黃碧丹相間成  
都產黃金間碧玉竹青黃相間觀音竹每寸二三節如  
藤色黑出占城國慈竹內實而節疎性弱形繁而細可  
代藤桃竹生錦江心蟠石上可為杖實中如木出豫章  
者細文一節四尺北人呼為桃絲竹相思竹兩兩生笋  
出廣東 彙苑詳註曰羅浮山第三峰生竹徑七尺圍  
節長一丈二尺葉若芭蕉謂之龍公竹紫竹小而色紫  
宜簫笛傘柄越王竹產嚴州石上狀若荻枝高尺餘土

人用代酒籌次有沙筋產於海島其心若骨可為籌筋  
採者輕步從之若聞人聲則縮入沙中不可取石麻竹  
勁利削以為刀切象皮如截竿廣州產也綿竹篾柔軟  
可為器物竹中之最美者白竹頗類綿竹笋堪食而篾  
脆薄不可用貓竹大者徑七八寸高而堅實笋冬生者  
味美春生者成竹其用極多作絲造紙民甚利之叢竹  
夏笋味不可食叢生代籬亦可作筆綠竹夏笋可食公  
孫竹高不盈尺可供几案會稽產也孤竹生穀城之殽

山三年一笋笋成竹死代謝不已雙稍竹生九疑獨莖  
生枝即分為兩葉密而細謂之合歡浙有天親竹末亦  
兩歧茸竹頭有父文金貓竹節有金色垂絲竹枝弱下  
垂出雲南釣絲竹類蕩而柔黃蠟竹堅實堪用笋味尤  
佳成都有對青竹半青半紫交映可愛海南木竹無節  
而中實澧州成都有三稜竹閩有古散竹皮似稜道州  
瀧中有丹竹宜都飛魚口有紅竹黔陽有赤岡竹雷州  
有電斑竹永嘉大羅山有龍牙竹稀節長四五尺取之

必有風雨雷電又蜀峨嵋山菩薩竹結花于節外之枝

原易曰震為蒼筤竹 書曰揚州厥貢篠簜 又曰

篠簜既敷 增詩曰瞻彼淇澳菉竹如簣 原又曰籊

籊竹竿以釣于淇 又曰如竹苞矣 增周禮曰孤竹

之管

竹之特生者

孫竹之管

未生枝者

陰竹之管

生山北者

禮記曰

日短至則伐木取竹箭 原家語曰山南之竹不搏自

直斬而為箭射達犀革 禮斗威儀曰君乘木而王政

太平蔓竹紫脫為之長生 史記曰渭川千畝竹其人

與千戶侯等 又曰竹竿萬个 河圖曰少室之山大

竹堪為甌噐 永嘉記曰陽嶼有仙石山頂上有平石

方十餘丈名仙壇壇陬輒有一筋竹凡有四竹葳蕤青

翠風來動音自成宮商石上淨潔初無麤籜相傳云曾

有却粒者於此羽化故謂之仙石 竺法真羅浮山記

曰嶺南道無筋竹惟此山有之其大尺圍細者色如黃

金堅貞疎節 丹陽記曰江寧縣南三十里有慈母山

積石臨江生簫竹王褒洞簫賦所稱即此也其竹圓緻

異於餘處自伶倫采竹嶰谷其後唯此簞見珍故歷代常給樂府而俗呼曰鼓吹山今慈湖戍常禁採之 增

荊州記曰天門山角上各生一竹倒垂拂謂之天帚

原湘中記曰邵陵高平縣有文竹山上有石牀四面綠竹扶疎常隨風委拂此牀 盛弘之荊州記曰臨賀東

山中有大竹數十圍高亦數十丈有小竹生其旁皆四五圍下有盤石徑四五丈極方正青如彈棊局兩竹屈垂拂掃石上初無塵穢未數十里聞風吹此竹如簫管

之音 述征記曰山陽縣城東北二十里魏中散大夫

嵇康園宅竹林時有遺竹也 增廬山記曰山中有竹

莖如指竹杪細葉密翠如箒採以贈人謂之掃雲箒

原徵祥記曰王者德至於天和氣感而甘露降尊賢容

衆不失細微則竹葦受之 王子年拾遺記曰蓬萊山

有浮筠之幹葉青莖紫子大如珠有青鸞集其上下有

砂礪細如粉柔風至竹條翻起拂細砂如雪霧仙者來

觀戲焉風吹竹折聲如鐘磬之音 增神異經曰南方

荒中有箒竹長百丈圍三丈五六尺厚八九寸可以為船 夢書曰竹為處士田居夢見竹者憂處士也 原

七諫曰便娟之竹寄生江潭上歲蕤而防露下泠泠而來風 增左思吳都賦曰竹則苞筍抽節往往縈結翠莖綠葉冒霜停雪 文選賦曰良夜自淒風篁成韻

古詩曰種竹深井中三年乃成竿 杜甫詩曰種竹交

加翠 耶律楚材詩曰強策渾心竹

西域有渾心竹以上竹

說

文曰筍竹胎也

埤雅曰筍从竹从日包之日為筍解

之日為竹 爾雅曰筍竹萌 筍譜曰筍一名筍一名  
筴一名薤一名竹胎一名竹芽一名筴一名初篁 又  
曰採筍一日曰篤二日曰簀見風則觸本堅入水則浸  
肉硬脫殼煮則失味生著刃則失柔采而停久非鮮也  
盛而苦風非藏也揀之脫殼非治也蒸煮不久非食也  
如此然後可與食筍 詩曰其簌維何維筍及蒲 周  
禮曰加豆之實落菹 呂氏春秋曰和之美者越駱之  
苽 道書曰竹筍者日華之胎一名大明 李白詩曰

岸筍開新籜 杜甫詩曰綠垂風折筍 朱熹詩曰下

有萬玉虬三冬卧寒土 南都賦曰春卯夏筍 潘岳

閑居賦曰青笋紫薑 梁簡文帝七勵曰雜金筍之甘

菹以上  
筍

竹二 筍附

原呂氏春秋曰昔黃帝令伶倫為律伶倫自大夏之西  
阮隃山之陰取竹於嶰谷斷兩節間長三寸九分而吹  
之為黃鍾之宮律之本也 博物志曰洞庭之山帝之

二女啼以涕揮竹竹盡斑今下雋有斑皮竹 增汲冢

周書曰成王時路人獻大竹 原穆天子傳曰天子西

征休於佐池之上乃奏廣樂三日而終是曰樂池乃樹

之竹是曰竹林 增左傳曰晉伐齊焚申池之竹 原

吳越春秋曰越王問范蠡用兵對曰越有處女願君王

問之處女北行見王道逢老人自稱袁公即杖篠簞竹

末折墮地處女即接其末公操其本而刺處女處女舉

杖擊之公飛上樹變為白猿 漢書曰高祖為亭長乃

以竹皮為冠及貴常冠之 又曰武帝發卒塞瓠子河  
令羣臣將軍以下皆負薪而下淇園之竹以為楫 又  
曰張騫至大夏見邛竹枝問之云賈人市之身毒國  
又曰梁孝王修兔園多植竹即謂修竹園 三輔舊事  
曰武帝作延陵及廟竇將軍有青竹園在廟南恐犯蹈  
之言作陵不便 增後漢書曰寇恂為河內太守講兵  
肄射伐淇園之竹為矢百餘萬 三輔決錄曰蔣詡舍  
中竹下開三徑惟羊仲求仲從之遊 五色線馬均大

巧能削竹作人語時天下大旱人皆將酒與此竹人語  
天下須臾雨也 晉書曰杜預討吳州郡多望風歸附  
或曰百年之寇未可盡剋候來冬更為大舉預曰今兵  
威已振譬如破竹數節之後皆迎刃而解無復著手處  
也 又曰元康二年巴西界竹生花紫色結實如麥  
彙苑詳註曰阮籍遊薊門山見一隱者莫知姓名惟有  
竹實數斛杵臼而已 南史曰齊南海王子罕母尚容  
華嘗寢疾子罕晝夜祈禱于時以竹為燈續照夜此續

宿昔枝葉大茂母病亦愈以為孝感所致 隋書曰明

克讓年十四釋褐為湘東王法曹參軍時舍人朱异在  
儀賢堂講老子克讓預焉堂邊有修竹异令克讓詠之  
克讓攬筆輒成其卒章曰非君多愛賞誰貴此貞心异  
甚奇之 異苑曰東陽留道德家中筋竹林忽生連理

花木考曰新羅神文王時東海中有小山浮水隨波  
往來王異之泛海入其山上有一竿竹命作笛吹之兵  
退病愈旱雨雨晴風定波平號萬波息笛 羅浮山記

曰貞元五年番禺有海戶犯鹽禁避入羅浮山至第十三嶺遇巨竹百丈海戶因破之為筏會罷吏捕逐遂挈而歸有軍人獲一筏以為奇貨獻于刺史李復復命陸子羽圖而記之 唐書曰大中四年党項內掠邠寧詔

鳳翔李業河東李拭合節度兵討宰相白敏中為都統帝出近苑或以竹一箇植舍外見纔尺許遠且百步帝屬二矢曰党羗窮寇仍歲暴吾鄙今我約射竹中中則彼當自亡不中我且率天下兵翦之一發竹分矢徹諸

外左右呼萬歲開月羗果破殄 玉堂閑語曰唐天復

甲子自隴而西亢暘竹皆結子饑民采食珍於粳糯味

更馨香 又曰李從儼有竹千畝在鳳翔懼侵民利未

嘗省理 宋史曰乾道七年池州竹生穗實如米饑民

采之以食守臣魯訐為野竹生穀圖以獻 又曰寇準

在雷州踰年既卒衡州之命乃至遂歸葬西京道出京

南公安縣人皆設祭哭於路折竹植地挂紙錢逾月視

之枯竹盡生筍 金世宗紀曰帝見宮中竹有枯瘁者

欲令更植恐勞人而止 金五行志曰至寧元年宣宗

彰德故竹園竹開白花如鷺鷥藤紫雲覆城上俄而入

繼大統

竹以上

東觀漢記曰馬援至荔浦見冬筍名苞

筍其味美於春夏筍上言禹貢厥包橘柚疑謂是也

楚國先賢傳曰孟宗母嗜筍及母亡冬節將至筍尚未  
生宗入林哀歎而筍為之出得以供祭至孝之感也

華陽國志曰何隨有竹園人盜其筍隨行見之恐驚乃  
挈屐而歸 事文類聚曰晉劉殷年九歲為曾祖母冬

思笋殷泣而獲供饋 南史曰沈道虔人有拔其屋後

笋令人止之曰惜此笋欲令成林更有佳者相與乃買

大笋送之拔者慚不取道虔使置其門內而還 山堂

肆考曰范元琰家有竹圃每見人盜笋苦於過溝乃伐

樹為橋與盜者過盜感而息意 唐書曰夏侯彪之上

新昌令問里胥曰笋一莖幾錢曰一錢五莖取十千買

五萬莖謂之曰吾未須用且寄林中養之至秋成竹一

竿十錢遂成五十萬貪猥不道皆類此 蘇軾記曰文

與可嘗令余作洋州三十詠筴簍谷其一也予詩曰漢  
川修竹賤如蓬斤斧何曾赦籜龍料得清貧饒太守渭  
濱千畝在胸中與可是日與其妻游谷中燒筍晚食發  
函得詩失笑噴飯滿案笑林曰漢人適吳吳人餽筍  
問何物曰竹也歸煮其牀簍而不熟曰吳人欺我哉

南府州記曰辛居士名仲宣家貧春月鬻筍充觴酌截  
竹為甕用充盛貯曰我惟愛竹好酒欲令二物常相並

耳

以上  
筍

竹三 筍附

原鳴鳳

棲鸞

拾遺記岑華山名在西海之西有蔓竹為簫管吹之若羣鳳之鳴謝靈運山

居賦竹則二箭殊葉四苦齊味水石多名巨細各景企山陽之遊餞遲鸞驚之棲託噫崑圃之悲調慨伶倫之

哀箭 增縹箭班弓 金戈翠葆 王彪之閩中賦竹則粉

函八桃枝育虫細若素筍形竿綠 雉頭 蛇跗 異苑

人嘗伐竹見一竿雉頭蛇身猶未變此亦竹為蛇蛇為

雉也 蘇軾偃竹記竹之始生一寸之萌耳而節葉具 馬自蜩腹蛇跗以至于 繡皮 原翠實 上詳一竹譜

劍拔十尋生而有之也 賦竹則填彼山陔根彌阪域蒙雪含 霜不渝其色翠實離離鳳鸞攸食 增萃萼 檀藥

王彪之賦竹則攢岡坻之莽蕁漫原澤之蓊蒙枚乘賦修竹檀藥夾池水

飛鵲 原化

龍墨子曰公輸子削竹木以為鵲鵲成而飛之三日不下自以為巧費長房隨壺公入山公以竹杖與騎

至家以竹杖投葛陂即化為龍

朱書 青簡

史記智伯率韓魏攻趙襄子奔晉陽原過後至

於王澤見三人與竹二節曰為我以是遺趙毋卹原過告襄子襄子齋三日親自剖竹有朱書曰余霍太山陽侯天使也應劭風俗通殺青書可繕寫謹案劉向別錄殺青者直用青竹簡書耳

愛重谷

掃員池

曹毗湘表賦竹則簞簞白鳥實中紺族濱滌幽渚繁宗隈曲萋蒨陵丘愛逮重谷鄭緝之東

陽記崑山去蕪城山十里山峰嶺高峻常秀雲表故老傳云嶺上有員池池邊有竹極大風至垂屈掃地恒潔

淨如人掃也

增七賢

六逸

晉書嵇康所與交者阮籍山濤向秀劉伶阮咸王戎為竹

林之遊世稱竹林七賢 唐書李白與孔巢父韓準  
裴政張叔明陶沔居徂徠日沉飲人號竹溪六逸

原冬青

夏彩

文選修竹冬青  
下見五江淹賦

增共谷

梁園

山海

經長石山之西有共谷其  
中多竹 下見竹二漢書

玉潤

碧鮮

上見下五梁  
簡文帝賦

五代史扈載遊相國寺見庭竹可愛作碧鮮賦題  
其壁世宗聞之遣小黃門就壁而錄之覽而稱善

原

既四時之不改

豈一日之可無

禮記禮之於人如竹  
箭之有筠故貫四時

而不改柯易葉 世說王徽之字子猷時吳中士大夫  
家有美竹欲觀之便乘輿造竹下詠嘯良久主人灑掃  
請坐不顧而去嘗借居空宅便令栽竹或  
問之徽之但指竹曰何可一日無此君耶

增漢高為

冠 魏武作甲

上見竹二漢書 世說魏武有數十斛  
竹片咸長數寸衆並謂不堪用太祖意

甚惜之謂可以作竹甲而未顯  
言馳問楊德祖德祖意正同

郭杜

檀谿

漢書秦地有郭

杜竹林南山檀柘號陸海

梁書武帝臨雍州多伐材

竹沉於檀谿積茅蓋之若山阜然皆不之用及起兵悉

取檀谿竹木裝為船艦

報平安 問無恙

酉陽雜俎李衛公守

北平唯童子寺有竹一窠纔長數尺相傳其寺綱維每

日報竹平安 翰苑叢話潤州甘露寺僧元者李德裕

贈以方竹杖杖出大宛堅實而正節眼鬚牙四面對出  
公後鎮浙右問僧曰竹杖無恙否曰已規圓而漆之矣

抱貞心

分苦節

沈約詩無人尚高節徒自抱貞心  
柳宗元詩迸篠分苦節輕筠抱

虛心 錦衣半著

粉節新塗

楊萬里新竹詩東風弄巧  
補殘山一夜吹添玉數竿

半脫錦衣猶半著篠龍未信怯春寒

又曰青士何年  
下太荒羽儀禁省立如牆錦綳半脫娟娟玉粉節新塗

拂拂霜帶雨小酣三日後出牆忽喜一梢長今年秋露防多暑刺借先生格外涼以上竹

拆錦

拋簪

白居易詩田文死去賓朋散拋擲三千玳瑁簪

馬

蹄犢角

唐詩新笋初嘗嫩馬蹄黃

玉版師

錦

棚兒

冷齋夜話東坡邀劉器之同參玉版師器之每倦山行聞之欣然至廉景寺燒笋而食器之覺味勝

問何名東坡曰名玉版此老師善說法能令君得禪悅之味器之始悟其戲為之大笑張于湖謝笋脯方詩

得君新法也大奇且復從遊錦棚兒

廷秀作經

贊寧為譜

楊廷秀記張定叟煮

笋經江西貓笋未出尖雪中土膏養新甜先生別得煮簪法丁寧勿用醢與鹽岩下清泉須旋汲焚出霜根生蜜汁寒牙嚼作冰片聲餘漚仍和月光吸菰羔楮難浪得名不如來參玉版僧醉裏何須酒解醒此羹一椀爽

然醒大都煮菜皆如此淡處當知有真味先生此法未  
要傳為公作經藏名山塵史僧贊寧為笋譜甚詳其  
倚撫古人詩詠自梁元帝至唐楊師道皆詩中言及笋  
者非專為題詠也惟孟蜀時徐光溥等二人詩句乃在  
筍譜然退之和侯協律詩  
獨不見收何耶以上筍

## 竹四

筍附

增青士

三水小牘  
竹曰青士

竹笑

說文竹得風其體  
大屈謂之竹笑

竹醉

四民

月令五月十三日謂之竹醉又謂竹迷是  
日栽竹多盛岳陽風土記又謂之龍生日

剛柔忠義

文苑英華勁本堅節不受雪霜剛也綠葉萋萋翠筠浮  
浮柔也虛心而直無所隱蔽忠也不孤根以挺聳必相  
依以摧  
秀義也  
雌雄  
上至生梢一節發者為雄二節發者為  
雌雄雌者多笋自根而

雌

祖孫

竹譜凡竹最初種者曰竹祖唐詩竹祖護龍孫

孝竹

述異記漢章帝三年子母

竹筍生白虎殿前謂之

柯亭

晉伏滔長笛賦序蔡邕避地江南宿于柯亭柯

孝竹羣臣作孝竹頌

亭之觀以竹為椽邕仰而眄之

竹中高士

永嘉郡志張廌隱居

曰良材也取以為笛音聲獨絕

頤志家有苦竹數十頃為屋其中王右軍聞而造

直

之廌避之竹中不與相見一郡號為竹中高士

造竹所

宋書袁粲為丹陽尹郡南一家頗有竹石粲率爾步往不通主人直造竹所主人出語笑款然

而車騎羽儀至

義竹

天寶遺事帝遊後苑有竹叢密筍天寶遺事帝遊後苑有竹叢密

門方知是尹

弟相親當如此因謂義竹

竹中有兒

華陽國志有竹王者興于邈水先是有女子浣于水濱有

三大竹流入足間推之不去聞竹中有兒聲持歸破竹得男長有武才遂雄夷狄以竹為姓植所破竹于野遂

成林今王祠  
竹林是也

節中有人  
異苑建安貧當竹節中  
有人長尺許頭足皆具

香

如雞舌

清異錄荊南判官劉或棄官遊秦隴閩粵篋中  
藏大竹十餘額每有客至斫取少許煎飲其辛

香如雞舌人叩其名曰謂  
之丁香竹非中國所產也

葉如蟲狀

清異錄江湖間  
有一種竹其葉

糾結如蟲狀山民  
曰此蚱蜢竹也

圓通居士

清異錄比丘海光住廬  
山石虎菴夜夢人長清

瘦而衣斑衣自言捨身為菴中供養具俄牕外竹生一  
笋花紫籜如夢者之衣及成竹高六尺餘無節其色黃  
綠瑩淨可愛光用為拄杖目曰直兄後  
來都下因言夢中之人自稱圓通居士

瑞竹

李方叔  
西遊記

司馬公獨樂園有竹一本去地二尺分為二幹並生  
六節節間容線復合為一洛中號為瑞竹  
以上竹

蔽筭

廣志魏漢中太守王圖  
每冬獻筭俗謂之蔽筭

上番

黃庭堅詩竹須辰  
日斲笋看上番成

大如臂

海槎錄酸筍出粵南大如臂沸湯泡去苦汁投井水中二三日縷如絲繩醋煮可食

稚子

唐人食筍詩稚子脫錦襦  
駢頭玉香滑稚子即筍也

仙人杖

本草自死筍名仙人杖

以上  
筍

竹五

筍附

原詩齊虞羲見江邊竹詩曰挺此堅貞性來樹朝夕池  
秋波漱下趾冬雪封上枝歲蕤防曉露蔥蒨集羈雌含  
風自颯颯負雪亦猗猗金明無異狀玉洞良在斯但恨  
非嶰谷伶倫未見知 謝朓詠竹詩曰牕前一叢竹青

翠獨言奇南條交北葉新筍雜故枝月光疎已密風聲  
起復垂青扈飛不礙黃口獨相窺但恨從風籜根株長  
相離 梁元帝賦得竹詩曰嶰谷管新抽淇園節復脩  
作龍還葛水為馬向并州柯亭臨絕澗桃枝夾細流冠  
學芙蓉樣花堪威鳳遊邛王若有獻張騫應拜侯 沈  
約詠簷前竹詩曰萌開籜已垂結葉始成枝繁陰上翦  
茸促節下離離風動露滴瀝月照影參差得生君戶牖  
不願夾華池 江洪和新浦侯齋前竹詩曰本生出高

嶺移賞入庭蹊檀藥拂桂檠  
蓊蔥傍朱閨夜條風析析  
曉葉露淒淒籜紫春鶯思筠綠  
寒蛩啼不惜凌雲茂遂  
聽羣雀棲願抽一莖實試看  
翔鳳來 劉孝先竹詩曰  
竹生空野外梢雲聳百尋  
無人賞高節徒自抱貞心  
耻染湘妃淚羞入上宮琴  
誰能製長笛當為吐龍吟 劉  
孝威詠枯竹詩曰枯楊猶更綠  
卧柳尚還生勿嫌鳳不至  
終當待聖明 北齊蕭放詠竹詩曰  
懷風枝轉弱防露影逾濃  
既來丹穴鳳還作葛陂龍 陳賀循賦得夾

池脩竹詩曰綠竹影參差歲蕤帶曲池逢秋葉不落經  
寒色詎移來風韻晚逕集鴈動春枝所欣高蹈客未得  
伶倫吹 陰鏗賦得夾池竹詩曰夾池一叢竹垂翠不  
驚寒葉醞宜城酒皮裁薛縣冠湘川染別淚衡嶺拂仙  
壇欲見凌冬質當為雪中看 張正見賦得階前嫩竹  
詩曰翠竹梢雲自結叢輕花嫩笋欲凌空砌曲橫枝屢  
解籜階前疎葉強來風欲知抱節成龍處當於山路葛  
陂中 又賦得山中翠竹詩曰脩竹映岩垂來風異夾

池複澗藏高節重林隱勁枝雲生龍未上花落鳳將移  
莫言棲嶰谷伶倫不復吹 唐太宗賦得臨池竹詩曰

貞條障曲砌翠葉貫寒霜拂牖分龍影臨池待鳳翔

虞世南賦得臨池竹應制詩曰葱翠捎雲質垂彩映清  
池波泛含風影流搖防露枝龍鱗漾嶰谷鳳翅拂漣漪  
欲識凌冬性惟有歲寒知 增李嶠詠竹詩曰高幹楚  
江濱嬋娟含曙氛白花搖鳳影青節動龍文葉掃東南  
日枝梢西北雲誰知湘水上流淚獨思君 杜甫詠苦

竹詩曰青冥亦自守軟弱強扶持味苦夏蟲避叢卑春  
鳥疑軒墀曾不重翦伐欲無詞幸近幽人屋霜根結在  
茲白居易洗竹詩曰布裘寒擁頸氈履溫承足獨立  
冰池前久看洗霜竹先除老且病次去纖而曲翦葉猶  
可憐琅玕十餘束青青復籊籊頗異凡草木依然若有  
情迴頭語僮僕小者截魚竿大者編茅屋勿作篲與箕  
而令糞土辱王貞白洗竹詩曰道院竹繁教略洗鳴  
琴酌酒看扶疎不圖結實來雙鳳且要長竿釣巨魚錦

籜裁冠添散逸玉芽脩饌稱清虛有時記得三天事自

向琅玕節下書 裴說春日山中竹詩曰數竿蒼翠擬

龍形峭拔須教此地生無限野花開不得半山寒色與

春爭 令狐楚郡齋左偏栽竹百餘竿詩曰齋居栽竹

北牕邊素壁新開映碧鮮青藹近當行藥處綠陰深到

卧帷前風驚曉葉如聞雨月過春枝似帶烟老子憶山

心暫緩退公開坐對嬋娟 張泌詠竹詩曰樹色連雲

萬葉開王孫不厭滿庭栽陵霜盡節無人見終日虛心

待鳳來誰許風流添興詠自憐瀟灑出塵埃朱門處處  
多閑地正好移雲覆翠苔李中詠竹詩曰森森移得  
白山莊植向空庭野興長便有好風來枕簟更無閒夢  
到瀟湘廕來砌蘚經疎雨引下棲禽帶夕陽閑約羽人  
同賞處安排碁局就清涼劉兼詠新竹詩曰近牕卧  
砌兩三叢佐靜添幽別有功影鏤碎金初透月聲敲寒  
玉乍搖風無憑費叟烟波碧莫信湘妃淚點紅自是子  
猷偏愛爾虛心高節雪霜中鄭谷詠竹詩曰宜煙宜

雨又宜風拂水藏村復間松移得蕭騷從遠寺洗來疎  
淨見前峰侵階蘚拆春芽迸繞徑莎微夏蔭濃無賴杏

花多意緒數枝穿翠好相容 唐彥謙竹風詩曰竹映

風牕數陣斜旅人愁坐思無涯夜來留得江湖夢全為

乾聲似荻花 王建於杜中丞書院新移小竹詩曰此

地本無竹遠從山寺移經年求養法隔日記澆時嫩綠

卷新葉殘黃收故枝色經寒不動聲與靜相宜愛護出

常數稀稠看自知貧家緣未有客散獨行遲 許渾秋

日白沙館對竹詩曰蕭蕭凌雪霜濃翠異三湘疎影月  
移壁寒聲風滿堂捲簾秋更早高枕夜偏長忽憶秦溪  
路萬竿今正涼 李羣玉題竹詩曰一頃寒秋綠森風  
十萬竿氣吹朱夏轉聲動碧霄寒 薛能新竹詩曰柳  
營茅土倦麤材因向山家乞翠栽清露便教終夜滴好  
風疑是故園來欄邊匠去朱猶濕漑後蟲浮穴暗開他  
日會應威鳳至莫辭公府受塵埃 秦韜玉題竹詩曰  
削玉森森幽思清阮家高興尚分明捲簾陰薄漏山色

歌枕韻寒疑雨聲斜對酒缸偏覺好靜籠碁局最多情  
却驚九陌輪蹄外獨有溪烟數十莖 羅隱竹詩曰籬

外清陰接藥闌曉風交戛碧琅玕子猷歿後知音少粉  
節霜筠漫歲寒 宋歐陽修刑部看竹效孟郊體詩曰

花妍兒女姿零落一何速竹色君子德猗猗寒更綠京  
師多名園車馬紛馳逐春風紅紫時見此蒼翠玉凌亂  
迸青苔蕭疎拂華屋森森日影閒濯濯生意足幸此接  
清賞寧辭薦芳醪黃昏人去鎖空廊枝上月明春鳥宿

蘇轍次韻劉貢父西掖種竹詩曰竹迷誰定知迷否

趁取滂沱好雨初栽向鳳池吹律處劄從芸閣殺青餘  
迎風一嘯朝回早弄月相差直宿疎應怪籍咸林下客  
相看不飲作除書 又賦園中竹詩曰寒地竹不生雖

生常若病斲根種幽砌開葉何已猛嬋娟冰雪姿散亂  
風日影繁華見孤淡一箇敵千頃令人憶江上森聳緣  
崖勁無風籜自飄策策鳴荒逕 陸游詠東湖新竹詩

曰插棘編籬謹護持養成碧澗映淪漪清風掠地秋先

到赤日行天午不知解籜時聞聲簌簌放梢初見葉離  
離官閒我欲頻來此枕簟仍教到處隨 元郝經詠野

竹詩曰荒竹遶廢宅高下隨女蘿新梢入林莽迸葉掃  
條柯玉骨清且癯埋沒還奄阿病綠烟慘悽枯黃雨滂  
沱劍斷戟復折壯士空悲歌伊昔住家宅森森氣相摩  
籜龍起雲雷平地烟霄過幽香淡庭除靜陰延綺羅一  
自兵塵生人去斤斧多寂寞秋不實饑餽將奈何 虞  
集賦文子方簣簋亭竹影詩曰數箇簣簋一小亭南牕

承日印寒青水晶簾裏珊瑚樹雲母屏間翡翠翎却愛  
微風動蕭瑟翻疑薄暮倚娉婷憑君縱有鵝溪絹莫與  
空花結定形 楊載寄題成都李仲淵萬竹亭詩曰君  
家種竹蜀江旁高與蠶崖勢頽頽已樹旌旗分部曲更  
鳴琴瑟應宮商蛟龍併逐波濤化虎豹曾因霧雨藏兄  
弟至今俱宦達未應開選接求羊 台哈布哈題柯獻仲  
竹詩曰梁王宅裏參差見山簡池邊爛熳栽記得九霄  
秋月上滿庭清影覆蒼苔 明吳寬詠竹詩曰脩然數

君子落落俱長身東家每借看步去不嫌頻移栽幸許  
我已自前年春自我得此輩園居豈為貧但憂積雨霽  
日暴少精神終然勤灌溉枝葉還如新因茲悟為學黽  
勉在斯晨

以上竹

唐韓愈和侯協律詠笋詩曰竹亭人

不到新笋滿前軒乍出真堪賞初多未覺煩成行齊僕  
婢環立比兒孫驗長常攜尺愁乾屢側盆對吟忘膳飲  
偶坐變朝昏滯雨膏腴濕驕陽氣候溫得時方張王挾  
勢欲騰騫見角牛羊沒看皮虎豹存攢生猶有隙散布

忽無垠狂劇時穿壁羣強幾觸藩深潛如避逐去若  
追奔始訝妨人路還驚入藥園萌芽防寢大覆載莫偏  
恩已復侵危砌非徒出短垣身寧虞瓦礫計擬拚蘭蓀  
且歎高無數庸知上幾番短長終不校先後竟誰論外  
恨包藏密中仍節目煩暫須迴步履要取助盤飧穰穰  
疑翻地森森競塞門戈矛頭戢戢蛇虺首掀掀婦懦恣  
料揀兒癡謁盡髡侯生來慰我詩句讀驚魂屬和才將  
竭呻吟至日暉

李商隱詠笋詩曰嫩籜香苞初出林

於陵論價重如金皇都陸海應無數忍翦凌雲一寸心

宋陸游湖上筍盛出戲作詩曰觶觶穿苔瑇瑁簪按

行日夜待成林養渠百尺干霄氣見我生平及物心刺

插藩籬憂玉折豫期風雨聽龍吟明年又徙囊衣去誰

與平安報好音 又詠筍詩曰列仙閱世獨清癯雪谷

冰溪老不枯輸與錦綳孩子輩千金一束入天廚

以上筍

原賦晉江通竹賦曰有嘉生之美竹挺純姿於自然含

虛中以象道體圓質以儀天託宗爽塏列族圃田緣崇

嶺帶迴川薄循隰行平原故能凌驚風茂寒鄉藉堅冰  
負雪霜振葳蕤扇芬芳翕幽液以潤本承清露以濯莖  
拂景雲以容與拊惠風而迴榮 齊王儉靈丘竹賦應

詔曰靈丘深沈蔓竹凝陰神根合拱貞幹百尋振芳條  
乎崑岳敷綠采於高岑沿淮海而蔚映帶沮漳而蕭森  
志東南而擅美在淇澳而流音芳靈壽而均茂儀菌桂  
而成林若乃青春受謝九野舒榮綠蘋齊葉白芷抽萌  
幹抽蔥而特秀篠擢穎而垂英霜皦鏡於原隰木衰疎

於郊阡翠葉與飛雪爭采貞柯與曾冰競鮮 梁簡文

帝脩竹賦曰有嫵媚之茂篠寄江上而叢生玉潤桃枝

之麗魚腸雲母之名日映花靡風動枝輕陳王歡舊小

堂佇軸今餞故人亦賦脩竹伊嘉賓之獨劭顧余躬而

自慙 江淹靈丘竹賦曰登崎嶇之碧巘入朱宮之瓏

玲臨曲江之迴盪望南山之葱青鬱春華於石岸葩夏

彩於沙汀遠亘紫林祕埜近匝玉苑禁垌於是綠筠繞

岫翠篁綿嶺參差黛色陸離紺影上謐謐而留閑下微

微而停靖蒙朱霞之丹氣暖白日之素景故非英非蕊  
非香非馥而珍跨仙草寶踰靈木夾池水而檀欒繞園  
堂而楠蠹既間霜而無凋亦中暑而增肅每冠名于華  
戎將擅奇於水陸況有朝雲之館行雨之宮牕崢嶸而  
綠色戶踟躕而臨空綺疏敞而停日朱簾開而留風被  
筍簌之窈蔚結條蕩之溟濛或產鳩鵲之左或植露寒  
之東此皆金輿之所出入瑤輦之所周通任昉靜思  
堂秋竹賦應詔曰靜思堂連洞房臨曲沼夾脩篁竹宮

豐麗於甘泉之右竹殿弘敞于神嘉之傍綠條發丹楹  
翠葉映雕梁入戶掃文石傍簷拂象牀常生偶蘭桂結  
實植鴛凰逢性與之至道偶斯文之在茲歡柏梁之有  
賦恨相如之異時 陳顧野王拂崖篠賦曰詩詠淇水  
騷美江干崖憐拂石神貴掃壇既來儀於鳴鳳亦擾狎  
於翔鸞入翠壁之宵月映沅澧之驚湍帶金風之爽朗  
雜玉潤之檀藥陪嘉宴於秋夕等貞節之歲寒 隋蕭  
大圜竹花賦曰嗟春色之澄明映陽流之澈清花繞樹

而競笑鳥徧野而俱鳴殘陂萍合斜蹊草榮暄條絮滿  
煖路絲橫游蜂集而銜蘂戲蝶飛而帶英鶻欲啼而泣  
歇鴈始去而蘆生別有葳蕤繡蕩姬娟綠筒縹枝承露  
紺箬來風漢律依節月桂臨叢乍影翻于樂沼時名留  
於瑞宮學應龍于葛水宿鷗鳳於方桐洛下七賢湘濱  
二女傾翠蓋之踟躕汎蓮舟之容與倜儻傲人便嬛笑  
語拊嫩筍以含啼顧貞筠而命醑 增唐吳筠竹賦曰  
惟坤靈之播育何備物之實繁偉茲竹之標挺得造化

之清源爾其和風流暢萬彙昭陳不郁馥以啟曜但歲  
蕤而有筠亦未知為異也至如殺氣凌厲凝霜蕭瑟覽  
平楚之蒼茫窺衆林其如失冒冰霜之涸沍逾青熒以  
鬱密則殊可重焉昔在軒后肇官陰陽俾伶倫於嶰谷  
伐脩竹之珍篁裁六律以協氣調八風而順常然後成  
竽簫以備樂其聲濫而彌長諒自然之純粹曷羣材之  
可方若乃渭川千畝山陽數林會稽方潤於碧玉羅浮  
比色於黃金上點點以雲翳下泠泠而鳳吟祛赫曦之

燠景納淒涼之清陰王子所以嘯詠稽生為之幽尋若  
乃夾滄江倚丹嶠蓄水霧之沉沉搖巖烟之漠漠湘妃  
有揮涕之感楚謠興防露之作或挺鼓吹之嶽嶽或垂  
天門之磅礴皆鸞鳳之所翔集孔翠之所棲託豈獨嬋  
娟於廣漢之壤亦有璀璨於蓬萊之峰結實珠粒敷化  
紫茸拂皓絮以飛雪摧紺莖以韻鍾故列仙之攸翫匪  
吾人之所從也亦有化雉吳國成龍葛陂容人簞簍有  
蟲桃枝一笋明其厥嗣三節獲乎嬰兒榮燈纂以感孝

茂牕櫺以表奇篲家壇以塵滅環石牀以陰滋皆靈變  
之譎怪良難得而備知爾其衆彙非一則有策筭筋蔓  
射筒箴簪籥箬簞簠之肅蠱龍鍾雲母之扶疎箬箭浮  
色以縹燠笛墮絳文而繡攄方志之所遺載山經之所  
闕書靡不勁堅其性葱蒨厥色不規而圓不操而直故  
高皇製冠以守位孝文剖符以表職博望侯傳於大夏  
之外穆天子樹於玄池之側推類以彌廣匪斯文之可  
極也

增記唐白居易養竹記曰竹似賢何哉竹本固固以樹  
德君子見其本則思善建不拔者竹性直直以立身君  
子見其性則思中立不倚者竹心空空以體道君子見  
其心則思應用虛受者竹節貞貞以立志君子見其節  
則思砥礪名行夷險一致者夫如是故君子多樹之於  
庭焉

原贊宗謝莊竹贊曰瞻彼中唐綠竹猗猗貞而不介弱  
而不虧杳裊人圃蕭瑟雲崖推名楚潭美質梁池

御定淵鑑類函卷四百十七